



सानसेयारि "बड'सा" खरीलाइयाव समाज्यादि जिज्जे लोखा थानाय रायथाय, खन्थाय, सल', सल'बाथा आरु दावबायादि थावनि, पार्क बाइदिनि स्यायाव लिन्नाय लिन्बिबां देथाय डर/ सानसेयारि "बड'सा" खरीलाइया खेबखानानि फोसावगेव/ बड'सायाव लिन्नायनि हुबा खालाम, "बड'सा" खरी नोथा, जो बयबो आंगो खालाम।

सानसेयारि बड'सा मावखुलि
माइबं नोगोर, जोहोलाव देमालु लामा
कक्राझार, बिदिसि-783370
Website: www.bodosanewspaper.com

BODOSA ★ A Bodo News Daily ★ Wednesday ★ 13 March, 2024 Kokrajhar, BTC, Assam ★ Vol.-33, Issue No. 344 ★ R.N.I. Regd.No.40994/91, Assam Govt. Regd.No.IPRD.40/2006/3, ★Rs.8/-



आसाम सरकार

भारतनि गोहो:

भिकिसट भारतनि
थाखाय सिप्स

आसामनि थाखाय जारिमिनारि
दावगानाय



मुखि नरेन्द्र मदि
गाहाइ मन्थि



आसामनि सुबुंफोरा साबायख 'र जासियो

गाहाइ मन्थि



मुखि नरेन्द्र मदिनिसिम

अन्थाइ खाम्फा गायसन्नाय हाबाफारियाव

ताता ग्रुपनि

इन्डिजिनियास
सेमिकन्डाक्टर एसेमब्लि
आरो टेस्ट फेसिलिटि

जागिरडआव



हाबाफारियाव हादतनाडै
लाइमोनफोरनिसिम गाहाइ मन्थिनि बिबुंथि



13 मार्च, 2024



फुबिलि 9:30
रिगा



जागिरड, आसाम

नुजाथिगोन

ड॰ हिमन्त विश्व शर्मा
गिबि मन्थि, आसाम

मुखि आशिवनी भैशनाउ
मन्थि, रेलवे फोनांजाव आरो मोब्लिआरि
आरो आइटि, भारत सरकार

मुखि राजिव चन्द्रशेखर
एमएस, मोब्लिआरि, आइटि आरो कौशल
जौगाखां आरो इन्ट्राप्रेनासिप मन्थि आफाद,
भारत सरकार

मुखि एन चन्द्रशेखरन
मासिगिरि, तातासान

ड॰ रनधिर ठाकुर
सिइआ आरो एमडि, टाटा इलेक्ट्रिक्स

हाबाफारिखो थोजोडै नाय



फोरमायनाय आरो सुबुं फोनांजाव विथोनगिरि मावख', आसामजों फोसावजानाय

जोंजों फोनांजाव खालाम



@diprassam dipr.assam.gov.in

सुजुगिरिनि खोलोम



आबाद देखानायनि गोनांथि सौफैबाय

गायनाय-फुनाया बर'फोरनि मोनसे हारिमु। बैसागु-दमासिया जैरै बर'फोरनि एंगारनो हाथावयै हारिमुयारि फोर्बो बिबिनो गायनाय-फुनायाबो रोखोमसे फोर्बोनि महर मोन्दो। गायनाय-फुनायनि गेजेरजोनों दिनेसिम बर'फोरनि थाना थानायनि गुदि आरो गाहाय रांखांथियारि फुंखा। थालांथै बुंनो थाडोव्ला आबाद मावनानै देज्जानि देज्जानि, मेसैंनि मेसैं आबाद दिखानानै थाना थानायनि गासैं राहा-लामाखौ आबादारिफ्रग गावसोरनो दिहन्नानै लाबोनांदों, आरो बेनो जौनि आबादारिफोरनि गुबै थॉखि। जायनि थाखाय जौनि आबादारिफ्रग फारफ्रोम बिथिनि खैदां-खैफोतखौ सौसिबोनानै दिनेसिम गावनि थाना थानायनि लामा बहनानै लानायजौं लोगोसे गुबुनो आरो नखरनि फिसा-फिसौनि थाना थानायनि लामा बहनानै लाबोदों।

जौनि आबादारिफोरनि बे गोखौं मावदिथिखौ नोजोर खालामोव्ला गोनांथोयारी आदब बाहायनानै सोदंनय गोदान जोलै बेगर, हासार, मुलि, गामाम दै जगायनायनि राहा-लामा आरो गोबां बिथिनि नेम खान्थिजौं आबाद देखानायनि खाबु लानो एबा मोन्नो हानायव्ला एबा थुलुंगाखांथाव सुबुरुन, मदतआ गमामा आबाद जांखिखानाय लाबोनो हागोन होना सानजाथाव।

देज्जानि गायनाय-फुनाय माइ-माइरंजौल' आबादनि जांखिथाय लाबोनाया आद्रा थालानाय बादि जागोन। बेखायनो जौनि सानफ्रोमबोन थाखाय नानाय माइ-माइरंजौं लोगोसे देज्जानि देज्जानि-मेसेडव मेसैंनि मैगं-थाइगं बाइदि रोखोम आबाद दिखानायनि गोनांथि दंसे।

माइ-माइरं, मैगं-थाइगं आ जैरै गोनां बिबिनो गुबन आबादफ्रोबो एंगारथावयै गोनां। मानसिनो नाडै-मुवा गैफरा नांगौनिबो जोबनो थाड। गान्नाय-जोमनाय, जानाय-लौनायनि अनगायैबो सानश्र' हायै मुवा बेसाद, हास्थायनाय जोबनो थाड मानसि माहारिनाव। बेखायनो गोनांसिन आबादजौं उफ्र आबादबो दिखानो लानाया गामाम। आबाद फोथाराव मोनसेल' आबादखौ मोखां नायाजासे जाबथु आबाद दिखानानै गोबां मुलाम्फायारी जानो हानाया जौनि नसुसे राइजोयाव गोबां दंसे। गय बारियाव गय बिफांजौं लोगोसे नारें लेबु, आनारस, फाथै, हाइजें, हाल्दै, मसला फिथाय, फानलु, फान्थाव बाइदिसिना बाडाइ समनि गेजेराव मोन्नो हानाय आबादफोरखौ दिखानायनि राहा लानो हायोव्ला रांखांथियारी बिथिडव हुंखा सुंथानो गोलेयै राहा मोन्नो हागौ। मेसैं बोथोराव थाव बेगर बेसर, सिबिं, गुजि, देमसिफोरजौं लोगोसे समान सम आरो बोथोर मोनसेयावको दिखानो हानाय नाथाय गोबां दिहनुथायनि थाव बेगर सान फ्लावारफोरखौबो आबाद खालामनो लानांसिगौ।

गासैं रोखोमनि आबाद दिखानानै सोरगिदिं जेरवबो जैरैबो आबाद जावरिखानाय लाबोनानै ओनसोलखौ अराय सोमखै खालामनायनि थॉखि आरो मदतनि गोनांथि दंसे।

दिनैनि फान्जामुथि

राशि बाइदियै मुंनि गिबि हांखो

मेष : अल वृष : ऊब (उ ए इ) मिथुन : क छ (ड घ) कर्कट : ड ह सिंह : म ट कन्या : प ट (ण ष) तुला : त र बृश्चक : ब न धनु : ध ङ (ढ फ) मकर : ख ज कुम्भ : ग श (स) मीन : द च (ख ज झ)

मेष: बबेबा गोजान जायगाफ्राव दावबाय हैनो मोन्नो हागौ। गोजोन्नायखौ मोनगोन।

वृष: नख'र संसार जानायनाव मानिबा जेंना नुजानो हागौ। गोसोखौ गोजोन गैयै मोनगोन।

मिथुन: बायदिसिना जेंना-जेंसिखौ लानानै गोसोआव गिखानाय मोन्नो हागौ। गोसोखौ लोरबां लानो नाड।

कर्कट: गोसोआव माखौबा लानानै शान्ति गैयै मोन्नो हागौ। जेखि जाया गोसोखौ हमथा।

सिंह: जेखि मावा फालांगिआव मुलाम्फा मोन्नो हागोन। गोजोन्नाय मोनगोन। मोजां सान।

कन्या: माबाफोर बिबान मोन्नायनि खामानि मावनांनो हागौ। देहाखौ सांण्डै लाखि।

तुला: मानिबा जाहोननि थाखाय जिगा सिनांनो हागौ। गोजोन्नाय गैयैजौं सम बारहोनांगोन।

बृश्चक: गोसोनि लेरबांआ जेंनायाव खोख्लैनो हागौ। गोसोखौ बायहोनो नाड।

धनु: सोरनिबा फाव फान्दायनायाव जेंनायाव गोलेनो हागौ। जैरैबो सांण्डै जानांगोन।

मकर: सोरजौंबाफोर बायदिसिना होन्नानै सांखारि जानो हागौ। गोसो हमथानानै थानांगोन।

कुम्भ: बे राशिनि थाखाय गामाम सान। जेखि मावा मुलाम्फा मोन्नो हागोन।

मीन: जेखि जाया शुभ खामानि मावनानै लानो हागोन। सान्नाया जाफुनो हागौ। गोजोन मोनगोन।

दिरव्ववार

रिन खोन्दो

-प्रतिमा नन्दी नाजार्नि

दिनै जिद' नभेम्बर बर' थुनलाइ आफादनि गोथार जोनोम सान। बेखायनो दाब-दाब जायगायाव गावबा-गाव हालामाव बर' थुनलाइ आफादनि बे जिद' नभेम्बर गोथार जोनोम सानखौ खुंनो लादों। लाइस्त्रिमोननि गोजौ फरायसालियावको दिने बर' थुनलाइनि गोथार जोनोम सान जिद' नभेम्बर सानखौ सानसेनि हाबाफारि लानानै खुंनो थाखाय जोबोद गाजा-गोमजायै लाहार-फाहार खालामदों फरायसालिनि फरायसा आरो फोरंगिरिफोरा। बायदि रोखोमनि रिंगना-संगिना प्रग्राम आखाइयाव लादों आरो फरायसाफोरनि गेजेराव बादायलायनायबो जागोन। जैरै-बर' थुनलाइनि सायाव दान्थे-बिदान्थेनि आयदाबो जागोन। खनाय-मोसानायनि बादायलायनायबो जागोन आरो उन्दै फरायसाफोरनि थाखाय सावगारि बोनाय आयदाफोरा जागोन। बिदिनो दिने बायदि रोखोम आयदानि सायाव एकसटेमफर सिफिस थामहिनबा आयदानि सायाव हरखाब बिबुंथि लाखिनायनि बादायलायनायबो जागोन। बैफोर आयदायाव लाइस्त्रि आरो बिनानाव आनजायसेफोराबो बाहागो लानो नाजादों। बैफोर बादायलायनायाव गावसोरनि गोजौ फरायसालिनि अनगा एम इ स्कुलनि फोरंगिरिफोरखौबो सायख'नायनि हाबाफारियाव बिबान होदों।

बर' थुनलाइनि हाबाफारिया दान रिंगानिफ्राय जगायजेनो। सिगाडव थि खालामखानाय बादिदै दान रिंगा जानाय लोगो लोगो लाबोनाय आलासि गाहाइया बर' थुनलाइ आफादनि फिरफिलाखौ उरायहोयो आरो फनैसो बर' थुनलाइ आफादनि जोनोमनि बागै फनैसो बिबुंथि लाखियो। बेनिफ्राय बर' थुनलाइनि थाखाय रंसारि जालानाय जोहोलाव मुंखंफोरनो बिबार बाडनायसै।

बेनिफ्राय फुंनि जामुं जानो थामहिनबा साहा लोनो जाग्रा थिलियाव गासैबो थंजोबनायसै। बेनिफ्राय दसे उनाव सावगारि बोनाय आरो फारसैंथि लोगो लोगो हरखाब बिबुंथि होनायनि बादायलायनायखौ जुरिनायसै। बे बादायलायनायनि बिजिरिगि हिसाबै रुफारामआबो दंमोन। बेनिफ्राय बे प्रग्रामआव लाइस्त्रियाबो बाहागो लानो मुं थिसन्दोंमोन। नाथाय लाइस्त्रिया बिजिरिगरियाव रुफारामबो दं होनना मिथिनानै बियो बाहागो लानो अजद खालामोमोन।

मानो होनव्ला रुफारामआ लाइस्त्रिया मात्रै नुबाय थागोन बे थालावसो थाखायोमोन नालाय आरो लाइस्त्रिया बाहागो लागिरि होनना मिथिनानै जोबोद खुसि मोनखादोंमोन।

नाथाय एरैहाय लाइस्त्रिया बाहागो लाला होनना थि खालामोमोन नाथाय लाइस्त्रिनि लोगोफोरा बिखौ थगायदोंमोन लाइस्त्रि बालगो लागोन आयदानि बिजिरिगरियाव रुफाराम गैया होन्नानै।

सिएएनि थाखाय सरकारा गोदान पर्टल बेखेवदों



गोदान दिल्ली, 12 मार्च: नख'र बिफानआ मंगलबाराव नोगोरारि सोदांनय नेम 2024 खौ सिएए-2019 नि सिडव फोसावनाय जादों। मोनसे गोदान पर्टल बेखेवनाय जादों, बेयाव सिएए-2019 नि सिडव आरजाथाव सुबुंफोरा बे पर्टलाव नोगोरारिनि थाखाय Indiacitizenshiponline.in वेबसाइटवा आरज गाबनो हागोन। बेजों लोगोसे, बेखौबो मिथिहोनाय जादोंदि, मबाइल एफनि गेजेरजों एप्लिकेसनखो

गाहाइ मन्थिआ अरुणाचल दावबायनायाव चीननि सायाव गोस्त्रोडै फिनजाथाय होदों

इटानगर, 12 मार्च: भारतनि गाहाइ मन्थि नरेन्द्र मदिआ बावैसो अरुणाचल प्रदेश दावबायनायनानै चीननि अजद देखानायनि सायाव गोखौं फिनजाथाय होदों। भारतआ चीननि अजद होनायखौ गोस्त्रोडै नेवसिगारदों। गाहाइ मन्थि मदिआ बुंदोंदि, अरुणाचल प्रदेशआ भारतनि मोनसे एंगारनो हायै आरो सोलायनो हायै बाहागो जानानै दं आरो अरायबो थागोन। बे बिथिडव बाइजोआरि मन्थि बिफाननि बुथिगिरि रणधीर जयसवालआ बुंदोंदि, भारतआ सिगानिफ्रायनो चीननो गावसोरनि गोखौं गसंथानायखौ फोरमायखाबाय। बिथाड बुंदोंदि, भारतयारि दैदेनगिरिफोरा अरुणाचल प्रदेशआव भारतनि जौगालु मावथांखिफोराव हेंथा होनायनि जेबो जुक्ति गैया। जौं गाहाइ मन्थि मदिनि अरुणाचल प्रदेश दावबायनायनि सोमोन्दै चीननि फारसेनिफ्राय होनाय बिबुंथिफोरखौ नेवसिगारो। चीनआ थानाय सहाययाव गाहाइ मन्थि मदिनि अरुणाचल दावबायनाय आरो बैयाव जौगालु खामानि थाखाय रं फोसावनायनि सायाव हेंथा होदोंमोन, जायनि सायाव भारतआ चीननि अजदखौ गोस्त्रोडै हेंथा होदों। चीनआ फिन खेबसेबाव ओन्सोलखौ दाबि खालामनानै बुंदोंदि, भारतनि बे आगानआ सिमनानि सायाव

सुबिदा खालामनो थाखाय थावेनो मोनसे मबाइल एप 'सिएए-2019' बो लन्व खालामनाय जागोन। पाकिस्तान, बांग्लादेश आरो आफगानिस्ताननिफ्राय 31 दिसेम्बर, 2014 मायथाइनि सिगां भारतआव फेनाय फोरमान गैयै मुस्लिम नडि सुबुंफोरनो गोखै नोगोरारि होनो थाखाय संसदआ मोनसे आयेन पास खालामनायनि 4 बोसोर उनाव मिरुआ समबाराव नोगोरारि सोदांनय आइन, 2019 खौ आयेन बानायदोंमोन। नेमफोर खौ बेखेवनायजौं, मदि सरकारा दायो दरथाम हादोरनिफ्राय अनागारि खालामजानाय मुस्लिम नडि हाबफैफ्राफोर-हिन्दु, सिख, जैन, बौद्ध, पारसी आरो खृष्टानफोरनो भारतारि हायुंआरि गनायथि होनो जागायगोन।

नानांलायनायखौ जेथो गोनां खालामदों, जायखौ भारतआ नेवसिगारदोंमोन। जयसवालआ बुंदोंदि, बेफोरबादि दावबायनायनि सायाव चीननि अजदआ बे सैथोथिखौ सोलायनाय नडदि, अरुणाचल प्रदेशआ भारतनि मोनसे एंगारनो हायै आरो बोखावजायै बाहागो जानानै दं आरो अरायबो थागोन। बिथाड बुंदोंदि, भारतयारि दैदेनगिरिफोरा सम-सम अरुणाचल प्रदेशआव दावबायहैयो मानोनो बिसोरो भारतनि गुबुन राइज्योफोराव दावबायहैयो। भारतनि बेबादि दावबायनाय एबा जौगालु मावथांखिफोराव हेंथा होनाया मोजां नड। जयसवालआ बुखेदि, बेयो सैथो आरो बे सैथोथिआ माल्बाबाबो सोलायनाय नड, अरुणाचल प्रदेशआ भारतनि मोनसे एंगारनो हायै आरो बोखावजायै बाहागो जानानै दं आरो अरायबो थागोन। बिथाड बुंदोंदि, चीननि हान्जाखौ बे गोरोबलायनाय गैयै थाथायनि बागै गोबां खेब फोरमायनाय जादों। जयसवालआ गाहाइ मन्थि मदिनि

अरुणाचल प्रदेश दावबायनायाव चीननि अजदनि सायाव खौरां बिजौनि सॉथिफोरनि फिन्नाय होनानै बेबादि बुडे। चीनआ अरुणाचल प्रदेशखौ खोला तिब्बत होना दाबि खालामो। चीनआ सम सम भारतयारि दैदेनगिरिफोरा अरुनाचल प्रदेशआव दावबायफेनायखौबो हेंथा होबोगासिनो थादों।

एनआइएआ पान्जाब, हरियाणा आरो राजस्थानआव गोस्त्रोडै सिग्रोमदों

गोदान दिल्ली, 12 मार्च: माहारियारि नायबिजिग्रा आफाद (एनआइए) आ उतरखारि आरो गेंस्टरनि हेंथायै गोखौं नायबिरिदों। मंगलबार फुडव एनआइएनि हान्जाया पान्जाब, हरियाणा, राजस्थान, मध्य प्रदेश आरो मिरुजौं खुंजानाय राइज्यो चन्डिगड्आव सिग्रोमदों। खौरनि बायदिब्ला, एनआइएनि हान्जाया बै राइज्योफोरनि मोन 30 जायगाफोराव सिग्रोमदों। एनआइएआ फोरमायदोंदि, अतखारि आरो गेंस्टर

बेखायसो लाइस्त्रिया बाहागो लादोंमोन। उनाव जेब्ला बिनि मुंखौ गाबज्रियो अब्ला लाइस्त्रिया जौसाडव गाखो हैनायसै। अब्लासो नुबाय बियो रुफाराम मास्टाराबो सिगां लारियावको मासियाव जिरायना दड्आरो गावखौनो गल' नायगोमो हरगासिनो दड्। बेनिफ्राय लाइस्त्रिया मा खालामबावनो जाना गसंन थाबाय थायो। बे समाव गाव मोजां मोनग्रा मास्टार आइजो सासेआबो दड्मोन। बिथाड लाइस्त्रि इसारा होना बुडे-

“जोबोद मोजां, दे कार्ड मोनसे बोदोदे।”

अब्ला लाइस्त्रिया राहा गोथे जाना कार्डखौ बोनायसै। लाइस्त्रिनि बाहागोआव आयदाया गोलेदोंमोन “गलाप बिबार” नि सोमोन्दै बुनांगौ। थामहिनबा एकसटेम्पर स्पीस। गावनि हरखाब सोलोजौं बरनायनांगौ। बाहागो लाग्राफोरा बयबो गाव-गावनि आयदा मोन्नायफोरखौ मोजाडै बरनायना बुंनो नाजाजोबदोंमोन। गलाप बिबारनि बागै लाइस्त्रियाबो जोबोद मोजाडै बरनायना होयो। लाइस्त्रिनानो बयनिखुइबो साबसिन जादोंमोन।

बेनिफ्राय बे आयदाया जोबखानानै बर' थुनलाइनि बागै मोनसे दान्थे-बिदान्थे आयदाया जायो। बेनि गोनां आयदाया जाबाय “बर' थुनलाइखौ मात्रै जौगाहोनो” बेनि बागैमोन।

बै गासैं प्रग्रामफोरा जोबखांब्ला सानसुनि जिनै रिंगासो जाब्ला सानसुनि ऑखाम जानो बयबो सेंग्रा-सिख्ला ज'-ज' ऑखाम जाग्रा थिलियाव थंजोबनायसै। लोगोसे फोरंगिरिफोराबो जानो थंजोबनायसै। गासैबो जाखंनय उनाव बेलासिनि से रिंगा थामजि मिनिट जानाय लोगो लोगो सिगानि थि खालामखानाय बायदिदै बेलासिनि प्रग्राम गोवलां मेला जागाय जेन्नायसै। बान्जाय आफादनि नेहाथारि बिथां सन्थला बसुमतारिआ बिबुंथि लाखिनानै मेलखौं बेखेवना होयो। बेनिफ्राय मानाव गेदेर लेंहर जानाय आलासिफोरा बयबो गावसोरनि बेसेन गोनां सुद' बिबुंथि लाखियो। जोबथारनायाव बर' थुनलाइ जिल्ला आफादनि मासिगिरि बिथांआ जोबोद बोसोन बह्ल सुबुरुन गोनां बिबुंथि लाखिनायसै।

बेनिफ्राय बा रिंगानिफ्राय बान्था रान्नायजौं लोगोसे दोरोडारि हारिमु दिन्थिनाय रोजाबनाय, मोसानाय प्रग्रामफोरा जागायनायसै। गेजेर गेजेर बान्था मोनगिरिफोरनो बान्था रान्नाय फोबौखौबो जुरिनायसै। बिदिनो बेसादनि सायाव हरखाब बुंथिनाय आयदायाव लाइस्त्रिया सेंथि बान्था मोननो हायो आरो लाइस्त्रि बिनानाव उन्दैआ सावगारि बोनायाव नैथि बान्था मोननो हादोंमोन। लाइस्त्रिया बान्था मोननायनि जाहोनखौ बयबो रुफारामनि थाखाय मोन्दों होनना बुंसोलायदोंमोन। मानो होनव्ला बै आयदानि बिजिरिगि हिसाबै रुफारामबो दंमोन नालाय। नाथाय बे बाथाया सैथो नडमोन। लाइस्त्रिनि “गलाप बिबार” नि सायाव बिबुंथि होनाया बइनिखुइबो साबसिन जाखदोंमोन। लाइस्त्रिया रुफारामनि थाखायसो मोन्दों होननायखौ खोनानानै रागाया थिखिनि मोनहैखायो। बेखायनो बियो गाव मोननाय बान्थाखौ लाया लासैनो न'आव ब्थ थडे। बेनिफ्राय उनाव बिनानावफोरासो बान्थाखौ नाजावनानै लाना थानायसै। बिदिनो बर' थुनलाइनि जिद' नभेम्बर सान खुंनयाबो जोबोद गाजा-गोमजा, रंजा-बाजायै जोबलानायसै।

हादरनाडैनो मुस्लिम आफादफोरा सिएए आयेनखौ सांखारिदों

गोदान दिल्ली, 12 मार्च:

सिएए आयेनखौ बाहायनायनि उनाव हादरनाडैनो गासैबो मुस्लिम आफादफोरा मोनसे बिबुंथि फोसावदों। बे बिबुंथिनि गेजेरजौं गासैबो आफादफोरा बे आयेनखौ मावफुं'नायखौ सांखारिदों। बेजौं लोगोसे मोनसे प्रेस रिजिजबो फोसावदों। प्रेस रिजिजआव बुंनय जादोंदि, जौं नासयजाथाव आयेननि बेरेखायै जौनि खौसेथि गसंथानायखौ फोरमायनो थाखाय बे जथाय प्रेस बिबुंथिखौ फोसावगासिनो दं, जाय आफादयारि समानथाय आरो न्यायनि गुदि खांथिफोरखौ खहा खालामो। जौं सरासनस्त्रा बिसायख'थि फोसावनायनि एसे सिगां नोगोरारि सोदांनय आइन (सिएए) 2019 जाबसिन्नायखौ गोस्त्रोडै सांखारि यो। सिगांफारसे आफादआ बुंदोंदि, बे आयेनआ बै राहाफोरखौ सिनायथि होयो, जाय भारतयारि संबिजितआव लिरजानाय समानथि आरो धोरोम उदांथिनि बोसोन खांथिफोरखौ खहा खालामो। भारतयारि संबिजितनि दफा-14 आ आयेननि सिगाडव समानथिनि सरासनस्त्रा बोसोन खांथिफोरखौ दिन्थियो आरो धोरोमनि बिथायाव सुबुंफोरनि गेजेराव गनायथावै नासयनायखौ होबथायो। बे आयेना बेखौ भुंख'नायनिफ्राय



बारग'योदि, बेयो धोरोमारि गनायथिनि बिथायाव मुसलमानफोरनो सायख'जानाय नोगोरारि होनानै भारतयारि संबिजितजौं बोन्थुमजानाय समानथि आरो धोरोम उदांथिनि गुदि मोन्थायखौ सिफायदों, बेबादिनो आयेननि सिडव समान आखु दिन्थिनायनि खांथिफोरखौ गाजि खालामनाय जादों। बे नासयजानाय आयेनआ हादरनि समाजयारि सि-जोमखौ खैफोदआव खोख्लैयो, जायजौं सोफादरनाय आरो बायदि रोखोमनि बोसोन खांथिफोरखौनो फोजेबखानाय जायो। प्रेस रिजिजआव बुंबावदोंदि, भारतयारि संसदजौं नोगोरारि सोदांनय बिलखौ गनायथि होनाया हादरनाडैनो दावराव-दावसि सोमजिहोदों आरो मुसलमानफोर आरो समाजनि गुबुन थाखोफोरा हेंथा दिन्थिफुदों, जायफोरा भारतनि संबिजितनि रेखाथिनि थाखाय गोखै बिबान मोन्दांदां। आयेनखौ मावफुंनो थाखाय सायख'जानाय समआबो सांखारिजाथाव आरो गुसेब

आयेन बेरेखायै सोर्जिजानायमोन होना एनआइएआ मिथिनो मोन्दों।

बेखौ उतरखारिनि खैसार सानाय आरो गोब्राब उतरखारि जाथाइफोरखौ मोखथां महर होनायाव बाहायनाय जायो। मख'जाथावदि, एनआइएआ 17 फ्रेब्रुवारीयावो उतरखारि आरो गेंस्टरजौं लोब्बा थानाय केसआव सिग्रोमदोंमोन। बै समाव सिग्रोमनाय मोन 16 जायगाफोरनि गेजेराव पान्जाबआव मोन 14 आरो राजस्थाननि दाबनै जायगाफोरबो दंफयोमोन।



आफादफोरजौं लोब्बा थानाय केसआव माखासे दायनिगिरिफोरखौ हमदोंमोन। बिसोरनाव जेर सेबनायनि उनाव माखासे मख'जाथाव खौरांफोरखौ मिथिनो हादों आरो बेनि उनाव सिग्रोमनायनि गिदिह हाबाफरि लायो। थानाय 6 जानुवारीयाव हादतथाव उतरखारि आरो गेंस्टयनि हान्जाखौ फोजेबखानायनि थाखाय गिदिह नायबिजिरिदोंमोन बे समाव गेंस्टर लरेस बिखईनि हान्जानि सोद्रीमाफोरनि मोनब्रे सम्पतिफोरखौ चिल खालामनाय जादों। मानोनो बे गासैबो सम्पतिफोर

शिबसागर आरो शराइदेव जिल्लायाव 'भिकास यात्रा' नि सिडाव माखासे बिथांखि बेखेवदों लोगोसेनो अन्थाइ खाम्फा गाइसनों गिबि मन्थिआ

आथिस्वालनि राइज्यो सरकारआ जौगारवांनायजों लोगोसे हेरिटेज आरो आसार र्वान्थिस्वौ टैस्वाथि होनायनि थारवायबो र्वामानि मावगसिनो दः ड० मिहन्त बिस्व शर्मा

दिसपुर, 12 मार्च: आसामनि सोरगिदिं जौगाखानायखौ रोखा खालामनायनि बिथिडाव राइज्यो सरकारआ गेदेर थांखि महैर आजवना लाबाय थानाय 'बिकास यात्रा' (जौगाखं दावबायनाय) नि बाहागो महैर आसामनि गिबि मन्थि ३० हिमन्त बिस्व शर्माआ दिने शिबसागर आरो चरायदेव जिल्लायाव गुबुन गुबुन बिथांखिखौ बेखेवनायजों लोगोसे अन्थाइ खाम्फा आरो हा फुजा होनाय हाबाफारियाव बाहागो लादों। गिबि मन्थिआ दिने जारिमिनारि शिबसागर जिल्लायाव गासै 454 कौटि रं बाहायनाय मावफुनाय मोन 32 बिथांखिखौ गोथारै बेखेवनायजों लोगोसे अन्थाइ खाम्फा गायसन्दों। गिबि मन्थिआ 12.66 कौटि रं बाहायनाय लुनाय डिमौनि राइसाय गामियारि गेलेमु स्टैंडियायखौ जिल्लानि गेलेगिरिफोरनि सिबिथियाव दिने गथायना होयो। बेनि अनगायैबो गिबि मन्थिआ बेखेवना होनाय गुबुन गुबुन बिथांखिफोरा जाबाय- 8 कौटि रं बाहायनायजों भधरा गोजै फरायसालि लांगोनायाव लुनाय बिपुड कलेज, 10 कौटि रं बाहायनायजों आमगुरियाव लुनाय गेलेमु बिथांखि, 10 कौटि रं बाहायनायजों धरदरआलिनिफ्राय बेलेबारि महन गामि जानानै रहदय आलिमि लुनाय आरो जौगाखं होनाय लामा बिथांखि 1 कौटि रं बाहायनायजों जिल्लायाव लुनाय मोननै आदर्श अंगनबादी मिर, 2.50 कौटि रं बाहायनायजों डिसां बान्दोनि फारसेथि नाडलापारानिफ्राय बाहागरिसम बगोबिल ओन्सोलनि रेखाथिनि थाखाय मावफुनाय बिथांखि 1.50 कौटि रं बाहायनायजों डिसां बान्दोनि सोनाबनिफ्राय पतालिगरनिफ्राय बाहागरिसम माथावरि बायनाय बाहागोखौ लुफामफिनाय। बेनि अनगायैबो जिल्लायाव 84.93 कौटि रं बाहायनायजों जल जीवन मिसननि सिडाव लुनाय गं 72 राइज्योयारि दै जगायथाय बिथांखिखौ दिने गिबि मन्थिआ सुबुफोरनि थाखाय बेखेवना



होयो। मख'नो गोनादि, दिने बे खेवनाय बे मोन 8 बिथांखिफोरनि थाखाय गासै 131 कौटि रं बाहायदों। गिबि मन्थिआ दिने अन्थाइ खाम्फा गायसनाय बिथांखिफोरा जाबाय- आसाम माला 2.0 नि सिडाव सिबसागर जिल्लायाव 100 कौटि रं बाहायनायजों डिक्मोकनि जिल्ला सिनि फेरि गार्थोननिफ्राय नाजिरा ताटन अएनजिसि तिनिवालि लामासिम 28 कि:मि: लामा, आरआइएफएफनि फुन्जिजों कामुन दिरेघाटनिफ्राय दिमौ जानानै धाइबारिसिम थांनाय लामाफोरखौ गुवार खालामनाय आरो मोजां खालामनाय बिथांखि। मख'नो गोनादि, 35 कि:मि: गोलावथिनि बे लामाफोर 81.86 कौटि रं बाहायनायजों लुफु जागोन। जिल्लायाव दिने पिडब्लिउ (लामा) बिफानआ मावफुनो गोनां गुबुन मोन 15 लामा बिथांखिफोरखौ गिबि मन्थिआ अन्थाइ खाम्फा गायसनो। गासै दों 27 लामाखौ लुनाय आरो गोजै थाखोनि खालामनो गोनां बे लामा बिथांखिफोरखौ मावफुनाय गासै 80.26 कौटि रं बाहायजागोन। गिबि मन्थिआ दिने 'न' लुनाय आरो नोगोर परिक्रमा बिफाननि सिडाव थानाय जिल्लायाव मावफुजानो गोनां मोन ३२ बिथांखिफोरखौ

अन्थाइ खाम्फा गायसनो। बे बिथांखिफोरा जाबाय 19.17 कौटि रं बाहायनायजों लुजानो गोनां शिबसादड दै जगायथाय बिथांखि, 14.76 कौटि रं बाहायनायजों लुजानो गोनां आमगुरि दै जगायथाय बिथांखि, 1.98 कौटि रं बाहायनायजों नोगोर आफादिनि जमा जानानै थानाय गटा दाखोर दालाफोरखौ बाय माइनिजों फोजोबनो मावफुजानो गोनां बिथांखि आरो 1.93 कौटि रं बाहायनायजों शिबसागर नोगोर आफादिनि सिडाव एएसटिसि तिनिवालिनफ्राय पनिधर सलिहा लामानि फारसैथिबो पेभासै ब्लकजों लामाखौ गुवार खालामफिनायजों 80 रडखौ फोजोखानाय, बेनि अनगायैबो गिबि मन्थिआ अन्थाइ खाम्फा गायसनाय गुबुन बिथांखिफोरा जाबाय 12.77 कौटि रं बाहायनायजों शिबसागरआव लुजानो गोनां सार्किट हाउस, 7.02 कौटि रं बाहायनायजों शिबसागर पुलिस रिजाभयाव आरिसिसि थाग्रा 'न' लुनायजों गुबुन गुबुन गुदि-बिथांखि जौगाखं होनो गोनां बिथांखि। 2.34 कौटि रं बाहायनायजों आसाम दाथायनि उफ्रा देहा मिरु आरो आयुष डिस्पेन्सेरि लुनाय आरो 75 लाख रं बाहायनायजों जिल्लानि गुबुन गुबुन जायगायाव मडेल अंगनबादी मिरु लुनाय। बे बिथांखिफोरनि लुनायाव गासै 323 कौटि रं

बाहायजागोन। दिनेनि हाबाफारियाव दर 26 साहा बागानफोरनो गिबि मन्थिआ गंफाय एम्बुलेन्स गथायो। दिनेनि बे हाबाफारियाव सोलोंथाय बिफाननि मन्थि डा: रज पेगु, एमपि तपन कुमार गौ, एमएलए सुशान्त बरगहा, देउरि अटनमास काउन्सिलनि गाहाइ मावफु सोद्रोमा भैब देउरिओमनजों लोगोसे माखासे मान गोनां सुबुफोर बाहागो लाफेदों। गुबुन फारसे, गिबि मन्थि ३० शर्माआ दिने बिकास यात्रा नि बाहागो महैर शराइदेव जिल्लानि माहमरानि गरैमारियाव थानाय महमरा स्प्टस कमलेक्सयाव खुनाय मोनसे गेदेर राइज्योयारि मेलयाव बाहागो लाफेनानै गासै 210 कौटि रं बाहायनायजों माखासे जौगाखारि बिथांखिफोरखौ बेखेवनायजों लोगोसे अन्थाइ खाम्फा गायसनो। गिबि मन्थिआ जिल्लायाव दिने बेखेवना होनाय बिथांखिफोरनि गेजेराव गरैमारियाव 10 कौटि रं बाहायनाय गोदानै लुजानाय महमरा गेलेमु बिथांखि, पिडब्लिउ (नख'र) बिफाननि मोनै बिथांखि फारिये 5.43 कौटि रं बाहायनाय लुनाय आसाम दर्शननि सिडाव तेडियानिफ्राय साहेब खानासिम थांनाय हाग्रा ओन्सोलनि गामियारि लामा आरो 2.52 कौटि

रं बाहायनायजों एपार्टनि सिडाव लुनाय डगाभेतानिफ्राय गरफारा फारसे थांग्रा लामा। गिबि मन्थिआ बेखेवनाय गुबुन बिथांखिफोरा जाबाय- 3 कौटि रं बाहायनायजों लुनाय शरायदेव जिल्ला पुलिस बिबानगिरिनि मावखुलिनि गोदान 'न' जों लोगोसे माखासे बिथांखिफोरखौ बेखेवना होयो। गिबि मन्थिआ दिने माखासे गोनांथाय बिथांखिफोरखौबो अन्थाइ खाम्फा गायसना होयो। बे अन्थाइ खाम्फा गायसनाय बिथांखिफोरनि गेजेराव आसाम माला 2.0 नि सिडाव 97.02 कौटि रं बाहायनायजों पाटचकरनिफ्राय जाजलि पास आलि जानानै पितगुरिसिम थांनाय लामा लुनाय खामानिजों लोगोसे माखासे बिथांखिनि सिडाव अन्थाइ खाम्फा गायसना होयो। बेखौ लोब्बा लानानै खुनाय मेलयाव मेलयाव गिबि मन्थिआ बुंदोंदि, थांनाय 29 फेब्रुवारीनिफ्राय जागायजेनाय बिकास यात्रायाव आसामनि खना-खनला गासै 23 रोजा कौटि रंनि गुबुन गुबुन जौगायारि बिथांखिनि अन्थाइ खाम्फा गायसना आरो बेखेवना होयो। दिनेनि बे हाबाफारियाव सोलोंथाय बिफाननि मन्थि डा: रज पेगु, खाजोना आरो अलखद सामलाय बिफाननि मन्थि जगन महन, उद्यग आरो फालांगि बिफाननि मन्थि बिमल बर, एमपि तपन गौ, एमएलए धर्मेश्वर कबर, सुशान्त बरगहा, देउरि अटनमास काउन्सिलनि गाहाइ मावफु सोद्रोमा भैब देउरि, अक्सि जौगाखं आफादिनि बुंथिगिरि नबनिता सन्दिक्के, सराइदेव जिल्ला भारतीय जनता पार्टीनि आफादिगिरि लक्ष्मीनाथ तासामोनजों लोगोसे माखासे मान गोनां सुबुफोर बाहागो लाफेदों। बेनि सिगं दिने गिबि मन्थिआ शिबसागरनि डिमौ फोथारयाव लुजानाय 25 नं. आसाम पुलिस (एएनजिसि) बेटेलियन लांगोनाखौ हाबाफारि बायदिदै बेखेवना होयो।

उदालगुरियाव 1500 नि बांसिन सेल्प-हेल्प गुपफोरनो माइनाव सोरं बिथांखिनि गेजेरजों रांखाथि अन्सुंथाइनि चैक बिलाड गथायदों 6,000 सेल्प-हेल्प गुपनो रांखाथि अन्सुंथाइ होनायनि रादायस्वौ मावफुबाय बिटिआर सरकारआ



उदालगुरि, 12 मार्च: बिसायख 'थिनि समआव बिटिआर हालामनि आइजो गावसुंथा हान्जा एबा सेल्प-हेल्प गुपफोरनो 75,000 रांखाथि अन्सुंथाइ होनायनि रादाय होनायखौ गिबि खोलोब हिसाबे आबुडै मावफुबाय इडिपिएल दैदेनाय बिटिआर सरकारआ। राइज्योनि 6,000 आइजो गावसुंथा

हान्जाफोरनो 75,000 रांनि गिबि खोलोब हिसाबे 25,000 रं होनायनि थांखिखौ बिटिआर सरकारआ आबु खालामबाय। थांनाय माखासे दानफोरनिफ्राय बिटिआरनि दाब-दाब बियाबफोरव आइजो गावसुंथा हान्जाफोरनो 25,000 रांनि चैक उदालगुरि जिल्लानि भेगवाव बिटिसि बियाबनि सिडाव थानाय आट्रिघाट

बागान गेवलों गेलेग्रा फोथारव मोन 15 बियाबनि बेखनाव थानाय आइजो गाव हेंथा हान्जाफोरनो बिटिआर सरकारनि माइनाव सोरं बिथांखिनि गेजेरजों 25,000 रांनि चैक बिलाड गथायना होयो। दिनेनि बे चैक रान्नाय हाबाफारियाव मोन 15 बियाबनिफ्राय मोनसे बियाबआव मोन 100 आइजो गावसुंथा हान्जाफोर एबा गासै मोन 1500 गावसुंथा हान्जाफोरनो 25,000 रांने चैक बिलाड गथायनाय जादों। हाबाफारियाव बिटिआरनि गाहाइ मावफु सोद्रोमा प्रमद बर', लेडाइ गाहाइ मावफु सोद्रोमा गबिन्द चन्द्र बसुमतिारि, एमपि दिलीप शइकिया, बिटिआरनि मावफु सोद्रोमा आरो एमसिएलएफोर आइजो गाव सुंथा हान्जाफोरनो चैक बिलाइखौ गथायनानै होयो।

पिजेएसिबिएमनि गाहाइ लिंथुमगिरि जेब्राराम मुसाहरीजों लोगोसे गोबां सोद्रोमाफोरा बिजेपिआव हाबफेदों

कक्राझार, 12 मार्च: धामथि खेबनि थाखाय नरेन्द्र मदिखौ हादतनि गाहाइ मन्थिनि मासियाव जिरय होफिर्नो फँगौ लक सभा बिसायख 'थिखौ लानानै बिजेपि दोलोया साखा-फारा खालामनायखौ गोखोंसिन खालामदों। भटारा राइजो-रजाफोरखौ बोनो आरो दोलोयाव सोद्रोमानि अजिनाखौ बांहोने दोलोआ दासान्दि जगदान हाबाफारि खुंनोनायखौ नुनो मोन्याय जादों। दिनेनो दोलोआ मोनसे गिदिर सुबुं मेल खुंनय जायो। कक्राझार सहरनि ग्रिन फिल्डआव खुंनय बे गिरिद सुबुं मेलव पिपुलस जइन् एक्न कमिटी फर बड'लेण्ड मुभेन्ट (पिजेएसिबिएम) नि गाहाइ लिंथुमगिरि जेब्राराम मुसाहरीजों लोगोसे गुबुन गुबुन दोलोनि गासै 200 निबो बांसिन सोद्रोमाफोरा बिजेपि दोलोआव जगदान जायो। मख'नो गोनादि, बिजेपिनि राइज्योयारि एसटि मर्चानि बान्जायनायाव कक्राझारनि बड'फा नोगोरव थानाय ग्रिन फिल्डआव खुंनय बे मेलव गाहाइ



आलासि महैर आसाम बिधान सभानि बुंथिगिरि बिस्वजित दैमारीआ बाहागो लायो। बिथाड दिनेनि मेलव बाहागो लानानै राइजो-राजा आरो दोलोनि मावथिफोरखौ फँगौ लक सभा बिसायख 'थिथियाव एन'डि'एनि बिजाथिखौ देरहाहोने खावलायो। बिथाड खौरं बिजोनि सिगाडव बुडोदि, हादतआव जायफोर आयेन आरो नेम-खान्थि दड', बे आइनफोरखौ गासै बो भारतआरिफोर मानिनानै सोलिनाया मोजां। दान्थे-बिदान्थे आरो सोमावसारनायनि गेजेरवने दाफम जानाय नोगोरारि सोदोनाय आइनि सोमोन्दै बिथाड बुडोदि, जुदि माबाफोर जेना आरो बेले-बेजे नुजाथियोब्बा अब्बा बेनि सायाव

नार्यबिजिसनानै दिन्थिफुनानै होनो हायोब्बा मिरु सरकार बेनि सायाव नार्यबिजिसनो होनानै बिथाड बुडो। दाफम जानाय नोगोरारि सोदोनाय आइनाव माबाफोर जेना नुजाथियोब्बा बेखौ संसदआव सोदोनाय हायो होना फोरसायनानै बुंथिगिरि दैमारीआ बुडोदि, का आइनखौ गुरारि नार्यबिजिसनानै एबा मिथिनाय लोब्बा गोनां हान्जाजों सालयनो नांगोन होनानैबो बिथाड बुडो। बे सुबुं मेलव बिजेपिनि आसाम राइज्योआरि एसटि मर्चानि आफादिगिरि शिबनाथ ब्रम, लेडाइ आफादिगिरि अशक भतरय, गौथुमारि गाहाइ नेहाथारि रबिनद्र राजु, बिटिआरनि लेडाइ बुंथिगिरि अभियम महानायक, मावफु सोद्रोमा रेवेका नीर्जहरी, कक्राझार जिल्ला बिजेपिनि आफादिगिरि कविता बसुमतिारिआ बाहागो लायो।

गसाइगावआव आइजोफोरनो गोहो होनाय आरो उन्दै बैसोयाव हाबा जानायथि सायाव सांग्रांथियाटि मेल

गसाइगाव, 12 मार्च: गसाइगाव महकुमानि बाबुबिलआव थानाय जथाय भवनाव दिने आजिओपोरनो गोहो होनाय आरो उन्दै बैसोयाव हाबा जानायखौ होबथानायनि सायाव मोनसे सांग्रांथियारि मेल खुंनय जायो। हारिमायारि आइजो सानजों लोब्बा लाकिनानै गसाइगावनि गोजै सारिनि आइजो आफाद बिगंगनि बान्जायनायाव खुंनय बे सांग्रांथियारि मेलव हांखायजानाय आलासि महैर गसाइगाव फरायसालिमानि बिबुंथिगिरि मिनाक्षी पाठकआ बाहागो लानानै गावनि बिबुंथियाव दिनेनि आजिओखौ गोहो गोनां आरो गोखौ आइजो होनानै बुडो। मेलव हैवाफोरजों समानै आजिओफोर मोनफ्रोमबो बिथिडाव दावगालानो हादों होना मख'नानै हादतनि गोजौसिम मासियाव थानाय हादतगिरि द्रौपदि मुमुनि बाश्वा रायखानानै बिथाड बुडोदि साफ्रोमबो आइजोआ गावखौनो साफा-साफा गोखौ आइजो महैर दाफुनो



नांगोन। लोगोसे सांग्रां आरो गोसो होना खामानि मावना दावगालानानै समाजाव गावनि सिनायथि दाफुनो थाखाय बिथाड खावलायहरो। मेलव गसाइगाव गथ 'सा जौगाखं बिथांखि बिबानगिरि बरषा रायआ बाहागो लानानै समाजाव आइजोफोर मावनो हायै जेबो खामानि गैया होनानै बुडो। गंसे नख'रनि गासैबो खामानिफोरखौ मावनयजों लोगोसे समाजनि थाखाय सिगांभोनाय बिगंगनानि बायदि फसंथानआ बेनि मोनसे गोखौ बिदिन्थि

होनानै बुडो। बिगंगनानि आफादिगिरि मृनालि डेका कलितानि आफादिगिरि मासि सामब्लायनायाव खुंनय सांग्रांथियारि मेलव केशव डेका गोसोखं गुदि फरायसालिनि गाहाइ फोरोंगिरि साया मनि मुसाहरी, कविता चौधुरी, दालिमि दासजों लोगोसे माखासे आइजोफोरा बाहागो लानानै आइजोनि सायाव अगेन आरखु बाहायनायखौ बन्द खालामनाय, उन्दै बैसोयाव हाबा जानायखौ होबथानाय, गोबोंआव गथ'सा फोथेनायखौ होबथानाय, हिन्जावसा गथ'नि सोलोंथाइयाव गोथिथि होनाय आरो आइजोफोरनो गोहो होनायनि सोमोन्दै बेसेन गोसा बिबुंथि होयो। बे हाबाफारिजों लोब्बा लाकिनानै आइजोफोरनि गेजेराव मोसानाय, मेथाइ रोजावनाय आरो खन्थाइ आवायनाय बायदि बादायलायनाय हाबाफारि खुंनय जायो।

कक्राझारआव आसुनि बन्जार लानानै सोमावसारनायखौ पुलिसआ होबथादों

आसाम पुलिसखौ सरकारा बिजेपिनि मावथि महैर बाहायदों: आसु

कक्राझार, 12 मार्च: हादतआव दाफामनाय नोगोरारि सोदोनाय आइनखौ बोखारनांगोनि दाबिजों राइज्यो नाडे नो गोखों सोमावसारनाया सोलिगासिनो। राइज्यो दाब-दाब जायगाफोरजों लोगोसे दिने कक्राझारआवबो आसुआ 'का'खौ बोखारनांगोनि



दाबिजों सोमावसारनाय हाबाफारि खुडो। कक्राझार सहरव थानाय आसुनि मावखुलिनिफ्राय बन्जार लानानै हान्जा सुरनाय हाबाफारि खुंनो नाजदोंमोनबलाबो पुलिस, सिआरिपिएफ हान्जाया आसुनि मावखुलिखौ बेंथेनानै हान्जा सुरनायखौ होबथो। बेखौ लानानै कक्राझार जिल्ला आसुनि दैदेनगिरि- मावथिपोरा पुलिस, सिआरिपिएफ हान्जानि गोखों बेंथेनायनि गेजेरवने बन्जार लानानै आसुनि मावखुलिनि लांगोनायावबो सरकारनि हेंथायै गोखों सोमावसारो। गुबुन फार्सेथि, बे हाबाफारिखौ दैदेनाय आसुनि मिरनि लेडाइ आफादिगिरि नबन्यति रायआ गोजोन आरो सुबुं खाथि बादिदै सोमावसारनाय हाबाफारिखौ पुलिस हान्जाया होबथानायखौ गोखों रवजों सांखारिनाय खुंथाय गोथोयाव थानाय बिजेपि सरकारा पुलिस हान्जाखौ बिजेपिनि मावथि महैर बाहायदों होनानै बुडो। आसुआ काखौ माबलाबो गनायनानै लाया आरो बेनि हेंथायै आसुआ सुबुं खाथियारि सोमावसारनायखौ सोलिहोबाय थागोन होनानै सरकारखौ सांग्रांथि होयो।

कक्राझारआव कंग्रेसआ 'का' नि हेंथायै गोखों सोमावसारदों

बिपिएफआ बिजेपिनिनो वि हान्जा, इडिपिएलहा जेबो थांखि गैया: गर्जन मुसाहरी

कक्राझार, 12 मार्च: 'का' खौ गनायनानै लाया'। बे स्ल'गानजों दिने गोमखदों कक्राझार सहरआ। मख'नो गोनादि, कक्राझार जिल्ला कंग्रेसनि मावखुलिनि लांगोनायाव दिने, हादतआव मैया दाफामनाय 'का' आइनि हेंथायै आसाम प्रदेश कंग्रेसनि नेहाथारि गर्जन मुसाहरीनि दैदेनायाव गोखों सोमावसारो। दिनेनि सोमावसारनाय हाबाफारिखौ दैदेनाय आसाम प्रदेश कंग्रेसनि नेहाथारि गर्जन मुसाहरीआ कंग्रेसआ हादतखौ उदां खालामनाय आरो सिबिजिरि जोनोम होग्रा हान्जा आरो कंग्रेसआ भारतखौ गंसे धरोम बासियै हादत महैर दाफुदों होनानै बुडो। 1985 माइथायाव खानाय आसाम रादायआ धोरोमनि बोखावनाय नडामोन। बिथाडा बुडोदि, राम मन्दिर गायसनानै राइजो-राजाफोरनि भट बुधुमनाय फरमुलाआ फल्य जानायनि उनाव बे खेबाव धोरोम-हारि बोखावनानै भटार राइजो-राजाफोरनि नोजोर होनो नाजादों होनानै फोरसायो। बिथाड बिजेपिनि राम मन्दिर बेखेवनायनि फरमुलाआ फेलें जादों होना बुनानै राम मन्दिरखौ गाहाइ होन्ना नरेन्द्र मदिआ बेखेवनायखौ दोलोआ गनायनानै लाया। बेनिखायनो गाहाइ मन्थि नरेन्द्र



मदि आरो बिजेपिआ दानिया जेबो अपसन नागिरना मोनेनि 'का' दाफामनो नाजदों होनानै बिथाड बुडो। हादतआव 'का' दाफामनानै बिजेपिआ धोरोम आरो हारि बोखावनानै भट बुधुमनो नाजादों होनानै बिथाड बुंबावोदि, बिजेपि सरकारआ आदानिनि 11 रोजा कौटि रं दाहाखौ बोखारनानै होनो हायो नाथाय आबादादिफोरा गोलाव सोमावसारनायनि उनावबो आबादादिफोरनि दाहाखौ बोखारनो हायाखे। गुबुन फार्सेथि, इडिपिएल दोलोहा जेबो थांखि गैया। जायनि खाबु लानानै बिजेपिआ बर'हरिखौ बोखावदों होना अजद दैखाडे। बिथाड खौरं बिजोनि सिगाडव 17 बोसोर खुथाय सामब्लायनाय बिपिएफ

दोलोआ बिजेपिनि बि टिम होनानै बिथाड दाबि खालामो। बिथाड नब' कुमार शरनियानि मुंखौ रवबो सिनायै गैया होना बुनानै हारि-माहारिनि राजखान्थि खालामनानै हिंसानि बेगर फोनाय नब' कुमार शरनियानि मुं लानाया महापाप होनानै बुडो। बिथाड कक्राझार लक सभा बियाबाव कंग्रेसनि बिजाथिनायो देरहागोना रोखा होनानै दाबि खालामो। दिने मोनाबिलियाव कंग्रेसनि दैदेनगिरिफोर कंग्रेस दोलोनि बिजाथिनि मुंखौ फोसावनानै होयो। 1 नं कक्राझार एस्टि लक सभा बियाबाव कंग्रेसनि बिजाथि महैर सिगांनिफ्रायनो सावरायजाबोनाय गर्जन मुसाहरीनि मुंखौ फोसावनयाव कंग्रेस दोलोनि मावथिफोरा रंजाखानायखौ नुनो मोन्याय जादों।

आसुआ कानि हेंथायै गोखों सोमावसारदों

सालबारि, 12 मार्च: नोगोरारि सोदोनाय आइन 'का'खौ बोखारनांगोनि दाबिजों राइज्योनि दाब-दाब जायगाजों लोगोसे बाक्सा जिल्लायावबो दुलाराइ आसाम फरायसा आफाद आसुआ गोखों सोमावसारो। बाक्सा जिल्लानि सालबारि महकुमनि सिडाव तानाय मानास माहारियारि हाग्रामा-भबानिपुर फोनांजव लामानि सामुवागातिआव लामा होबथानानै गाति दखुय फरायसा आफादआ दिने कानि मुसुखा सावनानै



गोखों सोमावसारो। सोमावसारगिरिफोरा आकाइ-आखाइ बेनार लानानै का जों

गनायना, गिबि मन्थि हाय-हाय, बिजेपि हाय-हाय बायदि स्ल'गानजों सामुवागाति लामाखौ गोमखांहोयो।

सोमावसारनाय हाबाफारियाव बाहागो लानानै बाक्सा जिल्ला आसुनि आफादिगिरि जुबिन दासआ मिरु आरो राइज्यो सरकारखौ गोखों रवजों सांखारिनाय फँगौ लक सभा बिसायख 'थिनि फोसावदिनायाव बिजेपि दोलोनि दैदेनगिरिफोरखौ गोसोम फिन्फिला दिन्थिनानै सोमावसारनायजों लोगोसे राजा लामायाव सोमावसारलानो होनानै जुबिन दासआ हुमदि होयो।

जिबौनि बिषआ नेवलायफोरनाव मानो गोहोम खोलैनो हाया मिथिगौना

गोबां सुबुंफोरानो जिबौ होन्ना खोनायोब्ला जोबोर गिखाडे। बांसिन सुबुंफोरानो बे जिबखौ जोबोर गिनाय मोनो आरो बोरेबा साखाथियाव नुयोब्ला नोजोरा बेनिफ्राय दोरोदआ। मानोना बोरेबा जिबौआ सौवोब्ला आरो थि समावनो मोजां फाहामथाय मोनाब्ला जिउ गोमानायनि आसाया गोबां थयो। नाथाय जिउनि थाखाय गिदिर खैफोद होन्ना गनाय जानाय जिबौजों नेवलाइआ माबौरे जुजियो आरो रेखा मोनो हायो बेयो सान्ना गोनां बाश्रा। जिबौनि बिषजों गिदिर गिदिर जुरातफोरानो जेन्नांगौ जायो अब्ला नेवलायआ माबौरे जुजिनो हायो। जिबौआ जेसेबांखि गिदिर जाया मानो नेवलायआ गोखोडै जुजियो आरो जिबौखौ बुथारनासो दलर थयो। अदेबानि नेवलायनि गोरलै फिसाफोरखौ जिबौआ जायो। नाथाय बैसो जानाय नेवलायनि बाश्रा बुडोब्ला जिबौआ बेजों गोरलैयैनो जेन्नाडे। नेवलायनि देहायाव निकटिन हारिनि



एसिटाइलकलिन थयो। बेयो मोनसे रोखोमनि निउरट्टन्समिटर, जाय नेवलायनि मेलेमाव थयो। बेयो थैयाव गोरोब हैनाय बिषनि निउरट्टक्सक इफेक्ट एबा बिषनि गोहोमखौ खम खालामो। बेनि जाहोनावनो नेवलायफ्रा जिबौनि बिषजों थैया। नेवलायनि मेलेमाव थानाय बै मुवाया बिषखौ दानगारनो हायो बेनिखायनो नेवलायआ जेबो

जाया। अदेबानि माब्लाबा समाव नेवलायाबो जिबौजों जेन्नांगौ जायो। फरेस्ट वाइल्डलाइफ वेबसाइटनि रिपर्ट बायदिब्ला, नेवलाय आरो जिबौनि सुथुर जानाया मिथिगायारि। नेवलायनि थाखाय जिबौआ मोनसेल' आदार आरो नेवलायआ आदारनि थाखायल' जिबौखौ मैहुर खालामो। मख'नो गोनांदि, बांसिन समावनो नेवलायआ

जिबौखौ गाग्लोबगोआ। बेसोरो जिबौनिफ्राय गावखौ आरो गावनि फिसाफोरखौ रेखा खालामनो थाखायसो जिबौखौ गाग्लोबो। भारतआव मोनग्रा सनाथि गावनि नेवलाय एबा मंगुसखौ बनिखुइबो गिखंधावसिन जिबौ बुथारग्रा एबा जिबौनि सुथुर होन्ना गनाय जायो। मंगुसफ्रा किं कब्रा जिबौखौबो बुथारनो हायो।□

रंजालि गथ'फोरनि सौरा

नोंखौ बाउनो हायैयाव

इन्जुर खना-खना..
थाखुमा-थाखुमा..
गाबखुमासै आं सिरि-सिरि
अनजालिखौ बावगारनो हायैयाव।
बुरखायबाबो आं आंनि गोसोखौ
मानोदि हादियासै बुरखायनो..
सान-हर गोसो खांडे..
एखमबा मिनियोच
एखनब्ला हारसिनो मेगनाव मोदैया
जय सिरिलांडे।
मिथिसेयावबो नोंदि आंखौ मोजां मोनलिया
मानोदि एसेबां मोजां मोनखो आं नोंखौच.
मिथिसेयावबो नोंखौदि आं मोनफिनलिया
मानोदि थेवबो नोंखौनो नागिरो..
बोजबना लानो बिखा गेजेराव नों रजेखौ।
आं जावलिखा जासिमोन नामाच ?
आं फागोला बोरसिमोन नामाच ?
बावलांनो हायैयाव नों रजेखौ..!!
आं थारैनो हामारनाय नड नामा ?
खोमोरना लानोच..!!!
गोबौ बिखानिफ्राय नों रजेनि मुंखौ।
गाराय जानांनै थाबाय रजे
बावलांनो हायै थैसाम खाना थाबाय
नों रजेनि गावदां महाराच
आंनि बिखा गेजेराव..
जायनि थाखाय दासिमबोच.
खाराव-माराव नागिरबाययो गोसोवा
नोंखौनो अराय खाथियाव मोननो।

टेद्रकटिस खस्थाइ

जों
नायनाय
खैनाया
मालाइ बादि
लाजि गुसु जाना थाथारामोन
जों
नायनाय
खैनाया
मिनि सोरां
जासे जाना मानसि रायदावोमोन
जों
नायनाय
खैनाया
थारै दंमोन
आलासि उलासि सिबि हानाय
जों
नायनाय
खैनाय
नखर संसार
नुनो मोनदंमोन अनथोबनि लैथो
जों
नायनाय
खैनाय
नखर संसार
जोबोर साफायै संनाय खावनायमोन

बेलारोम बसुमतारी
फखालागि, कराझार

बड'लेण्ड नों माबोला.....

मुंखलंआरिनि थैजों सोरजिजानाय
गंफ्रोमबो बर' नख'रनि गोजोनथि
बड'लेण्ड नों, माबोला उदां जागोन.. ?
इनायनि फानजारिखौ थबस' बस'ना..
सिखिरि सुबुनि अगेन आखुखौ नेवसिना,
नों माबोला फैगोन बड'लेण्ड
बर'नि उदां अखोराडव !

साफ्रोमबो बर' सुबुनि
गोग्गाथावनि नेरसोन
बर' हारिमु, आसार खान्थिनि
गोजोन बिदिन्थि...
मुंखलंआरि बड'फा आरो
रोजा रोजा बिर' जोहोलावनि
गोथार सिमांखौ मोगथाडव जाफुं होनो,
नों माबोला फैगोन बड'लेण्ड
बर' बिमानि मोदैखौ हुगारनो
बर' बिमानि उदां अखोराडव ।

नों फेयैयाव हालाय हाफाय
हनै बर'फ्रा, गावनि
हायावनो गोजोनै थानो मोना ।
नोंखौ मोत्रो जाबायदों हांखुर
नोंखौ बरायनो.... गोबौ गोथारै....
नोंनि गोखौ मददथिजों
बुहुमाव जों खौसेयै थानो, नेनानै दं नोंखौ,
गेरेमसा बर' माहारि दानो
बर' हारिमुखौ बुहुमाव गोसार होनो,
नाथाय..., बर'नि अखोरानि अखाफोर
गावदांखौ गोलेर दान'बा
मन'नाय खोमसिखौ
सोरां खालामनो नोंसो माबोला फैगोन बड'लेण्ड... ?

आलेरा बर'
लखिस्त्रि, सनितपुर

जीउनि थांखि

नोंनि गोसोखौ सुफुं
जेरावबो सैथोयै,
जेरावबो गोग्गो आखलजों,
जेरावबो मोजां आरो सैथोजों,
जेरावबो अन्नाय आरो मानहोनानै,
आरो जेरावबो सानो हानाय
गोहो एबा सोलो मोन्नायजों।
मावबाय था
गासैबो मुवाखौनो नों सोलों
आरो सानबाय था
खोनानाय आरो नुनायफोरखौ।
अब्ला इशोरआ गोजोनगोन
नोंजों लोगोसे।

श्री बिरखां कुमार ब्रह्म

मायदांश्री जारौ

नोंनि महरा रावजोंबो रुजु जाया
नायोबोला खाथियाव मोदानफबलायनाय
सानदंमोन आंलाय नोंखौनो
बे उजिगासेआव जुलि लानो।
नोंखौ नुआबानो थानो हाया
आंनि गोसोआ दान्दिसेबो,
नाथाय नोंनि खाथियाव थाडोबोला
आंनि गोसोआ लाजिखाडे।
मायदांश्री जारौ आं नोंखौ माब्लाबाबो
बावनो हाया आंनि गोसोआ,
नोंखौ बिखायाव बजबना लानो सानो
नाथाय नोंनि महरा, सिमाडवल जाखांफेयो।
आंनि बिखायाव अर खामनायबायदि
खामब्लाउबाय आंनि बिखाया,
नोंखौ दसे नुयैआव
बे आंनि गोसोआ।

श्री असिन्त बसुमतारी
गामि- कासपुर हालांबाजार

ग्लेमारगल

बे सिखलाया सोर आरो बबेयाव जोनोम
सिरि-सिरि आंनि गोसोआ फागोला।
रिजि-रिजि गुरे ददेरे आखायाव बिन
मिहिन्दि,
हायद्रजों गाब गानाय खानाय बिन गुसु
बेलासि बायदि फारनै खावलाय, नारंसु
गन्थं।
ग्लेमार, रमान्टिक सिखला आजोलि
गाननाय बिन जिन्स, स्कर्ट, हाइटपेटि,
सुरिदार ग्लेमार।
बे सिखलाखौ नै बाजियाव नुजेनबाय आं,
थाम बाजियाव लोगो मोनज्लायबाय
ब्रे बाजियाव एसे, एसे गोसो थोबाय।
बा बाजियाव गोसो थोबाय मोथो, मोथो,
मिथिगायालाय मा खालामनो हानो ?
नों आंनि थाखायनो मिथिगाखौ
सोरजिखादों
फै आंनि अनजाली ग्लेमार,
मा बाश्रा नोंनि मोजां मोन्नायनि ?
नोंखौ गोसो थोबाय आं अराय सम जिउ
नोंनि सायावसो जाबाय गनायनाय
गनायैआ।
समाय लाखानानै फेलें खालामा जासे
जों अरायबो नागरा सानैजों जुदा जाया।
नाथाइ.....! द' बाजियाव खोनसनांबाय
'0'।

रिन्दाव बसुमतारी

गोर्बो देंखो

लुबैयो आंनि गोसोआ
आंनि गोर्बोनि देंखो-
दामनायखौ खोना संहोनो
नाथाय नोंदि फैया आंनि खाथियाव,
फै नों सना आंनि खाथियाव
रैसुमै देंखो नोंबो रोजाब फैफा
लुबैयो आंनि गोसोआ
अरायबो सम नोंखौ मोन्नो।
मादि देंखो बोयो नों सना
खोनाहा खोनायाहा
नोंनि सुदेम गारांजों रोजाब फाफैयोब्ला
जायो आंनि गोसोआ उरां-फारां।
मा एसे गोदै नोंनि देंखो
रोजाब फैफा नों आंनिखाथियाव
नों अनसुलिन गोर्बोनि देंखो।
आय मा एसे गोदै सुदेम सना नोंनि
गोर्बोनि देंखोआलाय।

मुश्री दानसोरां बसुमतारी
गामि- गंगा नोगोर

दुलाराय मुलुगानो मोनसे माया लैथो

दुलाराय मुलुगानो मोनसे माया लैथो।
गासैबो बेनि बादायसुला-बादायसुलिबोल'।
बेनि उनाव जेन्नाय देरहानायनि देंखो बोयो,
गिबियाव देहा सोलेरा जिउमानि गंसे रौरोथोन बायदि,
बेनिफ्राय बेयो मोब्लिब बादि गासै अंगफोरखौ दैदेनो,
गाबनाय-मिननाय, जाफुंनाय जाफुंडे, दुखु-दाहा, हांमा-हांसा,
लुबैनाय हास्थायनाय, मोन्नाय-गोमानाय बेफोर गासै
बेनि मोनफा-मोनफा लामाबोल'
सोलायनाया बिन मोनसे गोखैथि आरो
गुस्लायनाया बिन मोनसे महरबोल'
आरो समा जौनि डिजेल-पेट्रलफोर बायदि।
थोबसे बेलुनखौ गोजौनि बाराव हगारसारना होनाय बायदि,
आजिकालि बुहुम बिखायाव सुबुड जोबथाय गैयै
माबा मोनसे नागिरो
बिन उनाव अनजालिनि फासै गोसो मोनसेयै थाडे,
गियान गोमाना जायो, सासे लाजि गैयै
संसार बिन हाजोबादि गोजौं जौबोयो
जेब्लाइबो खोनायो गोबौं खंखलानि देंखो।
दा दावबायलाडे मिजिड मोनहासयै बेसेबा गोजानाव।
बि थालाडे हांमानि देरायाव
बिन मोनसे समनि गोखौं गोखैथि, रौरोथोना
दोनै जोबथि फारियाव मॅनायजों सिमान लाफैयो।
बिन रौरोथोन सालाइगिरिया दा गोदान रौरोथोन नागिरनो थांबाय
बै दिननिफ्रायनो समाइना बुहुम बिखानिफ्राय बिन सिनायथिया
जोबनानै थाडे,
दा फैबावो बिन मोनसे गोदान सिनायथि।

मुश्री सोमदोम गयारी
गामि:बेथागामि
जिल्ला: कराझार

गोद्वन आबहावा

हायरे ! बे मुगायाव
संसारनि बोहैथि दैया मासेबां गुबुंले,
थरथिसे गोगो नागिरनानै मोननो गोब्राब;
आनान ग'साइयाखि गुबुंले दैजों खुसि जागोन,
बेफोर देंखौ लोंब्लाखि सुबुनि
देहाया गोखौं जागोन।
बेखायनो नामा बे जिउआ
थोजसे आदार मोनजायै,
गावनि बिगोमाजों नायस 'नजायै
बेगंजों बिगुरजों जानाय लामानि
सैमा फाखि !!
आंखौ सोर जोनोम होयामोन आं मिथिया,
आंनि आफाया मा
बायदिमोन आं सिनाया;
खायसेबा बुडे-आंलायनो
माइबारिनि फिसाज्ला,
आरो खायसे बुडे-आंलायनो
मोब्लांनि मोखांसे
नाथाय दिनै आंदि मोदाय गथ' (Basterd) ।
मालाय बिजय, पिंकि मोनहा बिमानि
आहार मोनजानानै देरदों,
मालाय बिफानि फाफिलियाव
गाखोनानै गराइ दान्रायानो मोन्दों;
थेवबोदि बिसोरनि
आंथि-आखायफ्रा मोनिया,
बिसोरनि बिखाया लांदां एलबाम।
गोगो दै नागिरब्लाबो मोनैयाव
आं आनान ग'साइखौनो
सिबिनो हाया जाबाय,
देहायाबो लोरबां-थोरबां जाबाय,
खुगायाव आवरायो फेथेर-फेथेर आर 'ज
गोसोयासो थिर नड
मानोना आनान ग'साइयाबो खेबसेखौ खोनासड,
बिन खोमायाबो सोरबा रां कुबीरजों
थुलासो माथु जाबाय नामा!
नाथाय दाबो दावखायादि फुराखै,
दावब'यादि गोसोम गाब गायाखै
दैयाबोदि साहाथिं बोहैयाखै।

मुश्री सनिराम बसुमतारी

-रैदोम बर',
माजदिया, बगुलामारि, बाक्स

एनआरसिआव गैयै सोरबा सुबुडा नोगोरारि मोनोब्ला गिबि मन्थि सर्माआ बिबान नागारगोन होन्ना बुंदों

दिसपुर, 12 मार्च: आसामनि गिबि मन्थि हिमन्त बिश्व शर्माआ मंगलबाराव सिएएखौ लानानै गिदिर दाबि दैखांदों। बिथाडा बुडोदि, रइज्योआव सोरबा एनआरसिनि थाखाय आरज गाबै सुबुडा नोगोरारि मोनोब्ला गिबि मन्थि मासिनफ्राय बिबान एंगलायगोन। एनआरसिनि थाखाय आरज गाबै सुबुडाबो चुदि नोगोरारि मोनोब्ला बिथाडानो बिबान एंगलायनाय गिबिसिन सुबुं जागोन होन्नाबो गिबि मन्थि आ बुडो। मख 'जाथावदि, 4 बोसोरनि उनाव मिरु सरकारआ समबार मोनाबिलियाव सिएएनि थाखाय मोनसे बिथोनमा फोसावो। बावैसो उनाव जानो गोनां



लकसभा बिसायख 'थिनि एसे सिगाडाव मिरु सरकारआ सिएएखौ फोसावना होनायाव बेरेखा दैदेनगिरिफोर गोबां अजद होदों। बे बिलखौ 2019 नि डिसेम्बरआव बेरेखा दोलोफोरनि गेखों अजद होनायनि उनावबो सिएएखौ गिबियै संसदआ गनायथि होदोंमोन। सिएएखौ फिन गोहोम गोनां खालामनो थांखि लानायनि सायाव मिरुनि

बिजेपि सरकारखौ सोंखारिआ बेरेखा दोलोफोरा ज 'थै गासै आसामावनो बेरेखा धर्ना होनायनि उनाव गिबि मन्थि शर्मानि बिबुंथिया सोराडाव फेदों। शिबसागरआव खुंनय मोनसे हाबाफारियाव गिबि मन्थिआ गावखौ आसामनि फिसा होन्नाजुदि रइज्योआव सोरबा एनआरसिनि थाखाय आरज गाबै सुबुडा नोगोरारि

मोनोब्ला बिबानखौ नागारनाय गाव गिबिसि सुबुं जागोन होन्ना बुंदों। सिएएनि हेंथायै धर्ना होग्राफोरनि दाबि दैखानाय बायदिव्ला, सिएएआ गोहोम गोनां जानायनि उनाव लाख-लाख सुबुंफोरा रइज्योआव हाबफैगोन। गिबि मन्थिआ बुंवावोदि, सिएएआव जेबो गोदान गैया। मानोना बेखौ सिगाडावबो लाबोनाय जादोंमोन। बेखौनो दा लाबोफिन्नाय जादों आरो आधिखालाव पटेलआव आरज खालामनायनि सम फैबाय। पटेलआव थिसनजानाय डेटाफोर दिथिगोन आरो बिथोनमाखौ अजद होग्राफोरनि दाबि दिखानाया सौंथो जागोन ना जाया बेयो रोखा जागोन।

गोदान दिल्ली, 12 मार्च: 4 बोसोरनि उनाव मिरु सरकारआ समबार बेलासियाव नोगोरारि सोदानाय आयेन (सिएए) नि थाखाय मोनसे बिथोनमा फोसावदों। बेखौ 2024 नि लकसभा बिसायख 'थिया खुंजानायनि माखासे सप्ताह सिगां फोसावनाय जादों। बेरेखा राजखान्थि दोलोफोरनि गोखों अजद होनायनि गेजेरजों 2019 आव संसदआ सिएएखौ गिबियै गनायथि होदोंमोन। सरकारनि गोदान फोसावनाय बिथोनमानि बायदिव्ला, 31 डिसेम्बर 2014 नि सिगां धोरामारि अनागारनि जाहोनाव भारतआव खारनानै थाफैनाय बांलादेश, पाकिस्तान आरो आफगानिस्ताननि मुस्लिम नडै नोगोरारिफोरनो मिरु



सरकारआ भारतनि नोगोरारि मोन्थाय होनो हागौ। अदेबानि फिन खनसेबाव सिएएआ गोहोम गोनां जानायाव राजखान्थियारि जंनयाबो जागायदों। बेरेखा दोलोफोरा बेखौ लाना मिरु सरकारआ सायाव बाथ्राजों गाग्लोबदों। कंग्रेसआ सिएएखौ गोहोम गोनां खालामनाय समखौ लानानै सौंथि दैखांदों। कंग्रेसनि दैदेनगिरि जयराम रमेशआ बुंदोंदि, सिएएनि नेमखाथिखौ दानायव बिजेपिआ 4 बोसोर 3 दान सम लाबाय। बेयो मोनसे हेडलाइन मेनेजमेन्ट बिथाडा बेखौ समाजआरि नारसिन्थायनि सोलोखाथि होन्ना बुंदों। बेयो बिलखौ 2019 नि डिसेम्बरवो पास खालामदोंमोन आरो बेखौ 3-6 दाननि गेजेरवो आयेन बानायनांगौमोन। मदि सरकारआ सुप्रिम कर्टिनफ्राय मोन 9 एक्सटेन्सन बिदों आरो समबार

मोनाबिलियाव खाथिफोरखौ फोसावनायनि सिगां 4 बोसोर 3 दान सम लादों। बे गासै थांखिआ सोनाब बंग आरो आसामाव जानो गोनां बिसायख 'थिखौ गोहोम खोलैनायनि थाखायसो। बिसोर फेथायजथाव आखुजों सिएएनि सायाव हाबा मावदोंमोनब्ला बेखौ 2020 आव मानो लाबोनो हायाखै? बिसायख 'थिनि दानसे सिगांसो बेखौ लानानै फैबाय होन्नाबो कंग्रेसनि दैदेनगिरिआ बुडो। फासैथि सिएएखौ लानानै आसाम कंग्रेसनि एमएलए आबुदुर रसिद मन्दलआ बुंदोंदि, बे बिथोनमाखौ सिगाडावबो गासिवो राजखान्थि दोलोफोरनो अजद होबो खांबाय। संसदनि सिडाव आरो बायजोआवबो गोखों अजद होदों। बेयो आवुडै

आरगथि गोनां बिथोनमा आरो संबिजिदआरि नडै। मानोना सरकारआ धोरोमखौ बिथा खालामनानै नोगोरारि मोन्थाय होनो नाजादों, जाय भारतआरि संबिजिदनि दफाफोरनि बायदियै गनायजथाव नड। बेखौ गासै हादरजों लोगोसे आसामावबो गोखों अजद होनाय जादों। सिएएखौ फिन फोसावनायनि सायाव एआइएमआइएमनि माहारियारि बुंथिगिरि भारिस पाठानआ बुंदोंदि, क्रनल 'जिखौ बुजिनांगोन आरो समखौ नायनांगोन। लकसभा बिसायख 'थि 2024 नि अक्टआ फोसावजासिगोन आरो बे समावनो मिरु सरकारआ हरखाबै सिएए बिथोनमानि बागै सानखांदों। बेनि सिगां सरकरआ 5 बोसोरव मा खालामदोंमोन? बेनि सिगां मानो लाबोनो हायाखै? बेनिखायनो गावसोर बुडोदि, सरकारआ बिसायख 'नि सिगां सुबुंफोरखौ फिदोंनो नाजादों। बिसोर जौगाखानायनि थांखियाव फेलें जाबाय आरो बिसोरहा सौनायनि फिन्नाय गैला। गोवसोर सिगाडावबो बेखौ अजद होदोंमोन आरो आधिखालावबो बेखौ संबिजिदआरि नडै होन्ना गनायना लागोन होन्नाबो पाठानआ बुडो।

भारतआ अग्नि-5 मिसाइल आन्जाद नायनायाव जाफुंसारदों

गोदान दिल्ली, 12 मार्च: भारतआ फिन खेबसेबाव अग्नि-5 मिसाइलखौ जाफुंसार आन्जाद नायनानै मुलुगाव गोहोखौ दिन्थिफुं दों। बे आन्जादआ भारतनि गोहोखौ बांहोदों। बे समावनो आमेरिकाया अग्नि-5 मिसाइलनि आन्जाद नायनायखौ भारतनि बांलांनय गोहो महै जिन्थिफुं दों। भारतनि बे मोनफुंनय आरो बांलांनय गोहोनि सायाव आमेरिकानि एमपिआ बुंदोंमोनदि, मुलुगाव गोहोखौ मान होनाय जायो। खौरनि बायदिव्ला, भारतआ समबारव एमआइआरभि बिरोंदाकिनजों अग्नि-5 मिसाइलखौ जाफुंसार आन्जाद नायदोंमोन। भारतनि गाहाइ मन्थि नरेन्द्र मदिआ समाजारि



बिजों प्लेटफर्म एक्सआव बे फोरमायथिखौ होदों। भारतनि बे जाफुंसारनायनि सायाव मुलुगनाडैनो फिनजाथाय फैगासिनो दं। कंग्रेसमेन रिक मैक कर्मिक आबो बे जाफुंसारनायनि थाखाय भारतखौ बरायदों। बिथाडा बुंदोंमोनदि, आं

सानो बेयो भारतखौ राजगारवारि आरो सोलोआरि आयदाफोराव मोनसे गाहाय गेलेगिरि बानायगोन। कंग्रेसमेन रिक मैककार्मिकआ बुंदोंदि, जेब्ला नोंथाड बांसिन बिरोंदाकिन मोनो अल्ला नोंथाड नोंथानि रंखाथिखौ जौगाहोयो आरो रौनिया हन्जायाव

बांसिन रां थिसन्नायखौ जौगाहोयो। आमेरिकानि एमपिआ आरोबाव बुंदोंमोनदि, भारतआ दासो जागायजेनबाय। पिएम मदिआबो गेजेर हायुआरि थाखोआव मोनसे बिफाव लागसिनो दं। नोंथाड जेसेबां गोहोगोरा एसेबांनो सुबुंफोरा

नोंथानि खोथाखौ खोनासंगोन। पुतिनहा एटम गोहो जानायनि मुलाफ्फाबो दं। मिशन दिव्यस्त्रनि जाफुंसारनायनि उनाव आधिखालाव अग्नि 5 मिसाइलफोरा मोनसे समावनो गोबां थांखिफोरखौ नोजोर होनो हायो। मिसाइलनि सायाव मोनसे खाथि फसनाय जागोन, जाय मोनसे समावनो मोनथाम गुबुन-गुबुन थांखिफोरखौ नांथावहोनो हागोन। मिशन दिव्यस्त्रनि आन्जाद नायनायजों भारतआ बै हादरफोरनि मोनसे सायख 'जानाय हान्जायाव हाबवाय जायहा एमआइआरभि गोहो दं। अग्नि-5 आ इन्टीग्रेटेड गाइडेड मिसाइल डेभलपमेन्ट प्रग्राम (आइजिएमडिपि) नि सिडाव जौगाहोजानाय मोनसे जौगानाय हा बाहागोनफ्राय बिखिसिम बेलिस्टिक मिसाइल। बे मिसाइलहा 5000 किल 'मितारनि गोजौआव थांखिफोरखौ गाग्लोबनो हानाय गोहो दं आरो बेयो भारतनि गाव-रैखाथि खाथिनि थाखाय गोनांथार। बे मिसाइलखौ गावनायनि उनाव बेखौ इन्टरसेप्टर मिसाइल गैयाजासे होबथानो हाया। अग्नि मिसाइल खाथिया मुंदांखा बिगियानगिरि आरो हादरनि बाराग' हादरगिरि ड. एपिजे आबुदुल कालामनि मेलेमनि सोर्जिमोन।

अलखायदाआ गावसिनि गाहाइ बतरपिखौ जोबथा बिदाय होनायनि भिडिअ फोसावदों

दुबाइ, 12 मार्च: उतखारि आफाद अलखायदानि यमान दालाइसानि गाहाइ खालिद अल बतरपिआ हरखाबै जिउ गोमायो। अदेबानि बियो मा जाहोनाव जिउ गोमादों बेखौ मिथिनो हानाय जायाखै। उतखारि आफादआ रबिबारखालि खालिदनि थैनाय खौरांखौ जेबो जाहोन मिथिहोआ जासे फोसावदों। आमेरिका सरकारआ कालिदनि सायाव 50 लाख डलारनि बान्था फोसावदोंमोन। हमजानोयनि उनाव खालिदआ माखासे बोसोरसिम जोबथेसालियाव थादोंमोन आरो उनाव जोबथे सारलिनिफ्राय खारखुमायो। बिनि बैसोआ 40 बोसोरसो जागौमोन होन्ना बुनाय जादों। बावैसो सिगांनि



बोसोरफोराव उतखारि आफादनि इंसिआरि जैना आरो आमेरिकानि डूनजों गाग्लोबनायाव उतखारि हान्जाफोरनि गाहाइ दैदेनगिरिआ जिउ गोमानायव अलखायदा उतखारि आफादआ लोरबां जाबेदों। सुंदयै एकिउएपि होन्नाबै मिथि जानाय बे हान्जाया गोबाव समनिफ्रायनो गिखंथावसिन उतखारि आफाद होन्ना गनाय जादों। बेखौ गासन्नाय

असामाया थैनायनि उनावबो अलखायदाआ संग्रायै गावसिनि उतखारि हाबाफोरखौ मावदों। उतखारि आफाद अलखायदाआ बावैसो सिगां मोनसे भिडिअ फोसावनाय गावसिनि गाहाइ खालिद अल बतरपिनि गोथे सहखौ फबनायनि सिगां गुफुर सि आरो अलखायदानि गोसोम-गुफुर फिफिलाजों खोबनाय नुनो मोन्दों। अदेबानि मा जाहोनाव बिन जिउ गोमादों बेखौ उतखारिफोरा दासिमबो मिथिहोवाखै।

चीनआव फिन रवैला रवनीनि जाब्रबथायाव सा 12 सुबुंफोरनि जिउ रवैहा



वेइजिं, 12 मार्च: चीनआव जानाय खैला खादान जाब्रबथायनि के सआ सुखांजायाखै। थानाय 24 घन्टयाव चीननि गुबुन गुबुन मोननै खैला खादानआव जाब्रबथाय जानायाव सा 12 सुबुंफोरनि जिउ गोमायो। सरकारनिफ्राय फोसावजानाय

सिसिटिभिआ जाथायनि खौरां होनानै बुंदोंदि, चांक्सि रइज्यो झंयां काउन्टिआव गंस कम्फानीनि गावारि हा सिडाव थानाय खैला खादानाव समबारनि मोनायाव हा दोबैलानाय जाथाय सोमजिदों। बे जाब्रबथायाव सा 5 सुबुंफोरनि जिउ गोमायो आरो

सा 2 आ गोमानानै दड। रैखाथि हाबाफारि लानायनि गेजेरजों खादानाव जाब्रबथायजों भुगिनांनय लेभारफोरखौ दिहुन्नायनि हाबाफारि मावो। रिपर्टनि बायदिव्ला बे खादाना ताअयुआन जिनलां कल इन्डास्ट्रि कम्पानी

लिमिटेडनि मोन। मख 'जाथावदि चांक्सियाव जानाय बे जाब्रबथाया बैयावनि खादान रैखाथि अट्रिबिनिफ्राय थानाय दानाव मोनसे नटिस फोसावनायनि उनाव सोमजिदों। चीननि बांसिन खैला दिहुनग्रा खादान थानाय ओन्सोलाव सुबुंफोरनि थैनाय अन्जिमाखौ 2023 याव बांसिन नुनो मोन्दों। सिसिटिभिनि समबार मोनायाव फोसावनाय रिपर्टनि बायदिव्ला, चीननि सान्जा आनहुइ रइज्योआव हुइहे एनाजिनि खैला खादानाव गेस लिग जाना बेरफुनाय जाथायाव सा 7 सुबुंफोरनि जिउ गोमायो आरो गुबुन सा 2 आ गोमायो। मख 'जाथावदि, 2023 आव चीनआव नुजाथिनाय गिखंथाव खैला खादान जाब्रबथायफोरखौ नोजोर होनानै खनि रैखाथि अट्रिबिआ आधिखालनि आयेनाव सोलायनाय लाबोनादों। अदेबानि चीनआव खैला खादान जाब्रबथाय जानाया गोदान बाथ्रा नड। थानाय दानावबो गेजेर चीननि पिंदिसानआव मोनसे जाब्रबथाय जादोंमोन, जेयव सा 10 सुबुंफोरनि जिउ गोमादोंमोन।

हादरगिरि जाफिनोब्ला इउक्रेननो दावहानि थाखाय थाइसेबो रां हरा होन्ना डनाल्ड ट्राम्पआ बुंदों



बुदापेस्ट, 12 मार्च: आमेरिकायाव हादरगिरि बिसायख 'थिया सोलिफु बोसोरनि फेगौ 5 नभेम्बरआव खुंजागोन, जेयव ज' बाइडेन आरो डनाल्ड ट्राम्पनि गेजेरव फिन बादायलायनाय जागोन। रसिया आरो इउक्रेन दावहायाव आमेरिकया उदाडै इउक्रेनखौ मदत होदों। इउक्रेननो रसियानि हेंथायै दावहा नांनो रंखाथि आरो सान्थिआरि मदतबो हरदों। आधिखालाव मोनसे गिदिर

सौंथि सिखांदोंदि, डनाल्ड ट्राम्पआ फिन आमेरिकानि हादरगिरि सायख 'जायोब्ला आमेरिकया इउक्रेननो हरखाय थानाय मदतआ दोन्थ 'जागोन नामा? अदेबानि हांगरिनि गाहाइ मन्थि भिक्टर अरबानआ दाबि दैखांदोंदि, आगुनि हादरगिरि ट्राम्पआ मोनसे जथुमानि समाव गावखौ बुंदोंमोनदि, बिथाडा इउक्रेन दावहायाव थाइसेबो रां हरनाय नड। हामवरनि गाहाइ

मन्थिआ बेबायदि दाबि दैखानायनि सायाव ट्राम्पनि फासैनिफ्राय जेबो फिनजाथाय सोराडाव फेयाखै। भिक्टर अरबानआ ट्राम्पजों लोगो हमनो थानाय शुकबारखालि फ्लरिदायाव थादोंमोन। गाहाइ मन्थि अरबानआ बुंवावदोंदि, ट्राम्पनि नोजोर होनाया जोबोर रोखा, बिथाडा रसिया-इउक्रेन दावहायाव थाइसेबो रां हरनाय नड।

जायनि जाहोनाव दावहाया जोबलांगोन। मानोना इउक्रेनआ आमेरिकानि मदत गैया लासे दावहा नांनो हाया। इउरपियानआ हासिडै बे दावहायाव रंखाथि जगायनो हानाय नड होन्नाबै सिगाडावनो ट्राम्पआ पुतिननि फासै बाखनायदोंमोन आरो बुंवावदोंमोनदि, बिथाडा आमेरिकानि हादरगिरि सायख 'जायोब्ला 24 घन्टयावनो इउक्रेन दावहायाव दावहायाव जोबना होगोन। फासैथि नाटनि गाहाइ स्लटेनबार्गआ बुंदोंदि, इउक्रेननो गुफुर फिफिलानि गोनांथि गैया, हाथियारफोरनिसो गोनांथि दड। गोजोनै सावरायनायनि गेजेरजों दावहाखौ सुखांजानो हासथयो। बेनि गेजेरजों बै थांखिसिम सौहैनायनि लामायाव जादों इउक्रेननो सान्थिआरि मदत होनाय। मख 'जाथावदि माखासे सान सिगां पप फ्रांसिसआ इउक्रेनखौ गुफुर फिफिला दिखानो एबा दावहाखौ जोबोनो खवलायदोंमोन।

No. ACE-38/KOK(R)/IFB/Pi-II/2023-24/19 Dated Kokrajhar, the 12th Mar./2024
Tender No. 92 of 2023-24
PRESS NOTICE INVITING TENDER
The Addl. Chief Engineer-cum-Director, PWD, BTC, Kokrajhar on behalf of the Governor of Assam invites bids from approved and eligible contractors registered under APWD (Roads)/ BTC for the work "Repairing of RCC Bridge 1) No. 3/1 on Gomabil to Anghihara road, 2) No. 6/1 on Gomabil to Anghihara road, 3) No. 6/2 on Gomabil to Anghihara road, 4) No. 2/3 on Hakmabil to Phulkumari road, 5) No. 5/1 on Kashiabari to Balagaon road and 6) No. 7/2 on Kashiabari to Balagaon road under PWD, Kokrajhar Rural Roads Division, Kokrajhar for the year 2023-24" for a total amount of Rs.1,46,26,495.00 (Rupees one crore forty-six lakh twenty-six thousand four hundred ninety-five) only (Approx.).
Details may be seen at the website www.assamtenders.gov.in and also in the office of the undersigned during office hours.
N.B.: Rate quoted will be evaluated as per BTC, Govt. Notification vide No.BTC/PWDR(R)-11/2009/Pi.II/139, Dated Kokrajhar the 22/02/2023.
Sd/-
Addl. Chief Engineer-cum Director,
PWD, BTC, Kokrajhar.
IPR(BTC)-2023-24/1540

आर्टिकेल 370 सावथुनआ 100 कौटि रानि क्लाबआव हाबनो थियारि

उरी आरो सार्जिकेल स्ट्राइक सावथुननि दिथागिरि आदित्य धारआ 2024 माइथायाव आर्टिकेल 370 सावथुनखौ नायगिरिफोरनि सिगाडाव लाबोदों। बे सावथुनखौ सोलिफु बोसोरनि 23 फेब्रुवारीआव सिनेमाहलफोराव रिलिज खालामनाय जादोंमोन। यामी गौतम आरो प्रियामणिआ जयै बे सावथुननि बिबानखौ लादों। सावथुनखौ सिनेमाहलफोराव रिलिज खालामनाया 18 सान जाबाय। बे समाव अजय देबगाननि 'शेतान' सावथुननि रिलिज जानायजों आर्टिकेल



370 सावथुननि फालांगिया भारतआरि बक्स अफिसआव गोलेदों। नाथाय यामी गौतमनि आर्टिकेल 370 सावथुनआ

दासिमबो मुलुगनाडैनो दोहौ खोखैगासिनो दड। आर्टिकेल 370 सावथुनआ भारतनि अनगायैबो गुबुन हादतफोरावबो

नायगिरिफोरनिफ्राय गोबां अन्साइनाय मोनगासिनो दड। 20 कौटि रानि बाजेटजों बानायजानाय यामी गौतमनि

आर्टिकेल 370 सावथुनआ आर्थिखालाव 18 साननि उनाव मुलुगनाडैनो 100 कौटि रानि आर्जिनानाथि जोबोद खाथियाव फैबाय। यामी गौतमआ गवनि मावख'आरि एक्स एकाउन्टआव दासिम बे सावथुनआ मुलुगनाडैनो बेसेबां रानि आर्जिनो हादों। बेनि बागै फोरमायथि फोसावदों। अन्जिमाफोरखौ, शेयार खालामनायै बिथांजोआ बुंदोंदि, बे सावथुनआ मुलुगनाडैनो गासै 95.32 कौटि रानि फालांगि खालामदों। बे पस्टरखौ शेयार खालामनायै यामी गौतमआ के प्सनआव 'बे सावथुनआ हादतनि गेजेराव गवनि जायगा बानायनो हाबाय' होन्ना लिरदों। आर्टिकेल 370 सावथुनआ दासिम गुबुन हादतनि हाथयाव 11.75 कौटि रानि आर्टिनो हाबाय। 100 कौटि क्लाबआव हाबनो थाखाय यामी गौतमनि बे सावथुनआ मुलुगनाडैनो आरो 5 कौटि रानि आर्जिबानोनानांगोन। मिबथि होनाय जायोदि, यामीआ बे सावथुनआव सासे एनआइए एजेन्टनि फाव खालामदों।

गाहाम देहानि राहा

गोथां इलाइचीआ माखासे जेनाफोरखौ सुस्रानायाव नोंथांखौ मदद खालामो

इउरिक एसिडनि जेनाया गुबैयै सुबुंफोरनि गेजेराव प्युरिनजों आबुं जाग्रा आदारफोरखौ गोबाडै जानायनि जाहोनाव सोमजियो। इउरिक एसिडआ जॉनि देहायाव सोमजिनाय मोनसे दाखोर गाग्रा बेसाद, जायखौ किडनीनि गेजेरजों फिल्टर खालामनाय जायो। नाथाय जेन्ना नोंथानि देहायाव इउरिक एसिडनि बिबाड बांनो हयो, अब्ला किडनीआ बेखौ फिल्टर खालामनो हाया। जायनि जाहोनाव बिसोर जरायाव क्रिस्टलनि महर लायो, अब्ला जरायाव सानायनि जेनाया जागायजेनो। बेबादि थासारियाव बेखौ जागायजेन्नाय समावनो सामलायनाया गोनांथार। जाहाथे इयुनाव नोंथाडा आर्थराइटिस, गोजौ थै नारसिन्थाय आरो किडनी खहा



जानाय बायदि बेरामफोरजों मोगा-मोगि जानो गोनां जाया। इलाइचीआ नोंथांखौ बे जेनानिफ्राय रैखा होनो हायो। (1) इलाइचीआ गोबां निउट्रिएन्टफोरजों बुंफननाय: देहा रोंगसाफोरनि बादिब्ला, इलाइचीनि बे गरफोराव लिमनीन आरो मेन्थफन बायदि फाइटेकमिकेलफोर मोनाय जायो, जाय इउरिक एसिडखौ सामलायनायाव मदद खालामो। बेनि अनगायैबो, बेयाव के लशियाम, पटेशियाम, आइरम आरो मेग्नेसियामबो मोनाय जायो, जाय जरायाव सानाय आरो बुनायखौ बाडइ खालामनायाव मदद होयो। (2) इलाइचीआ मोनसे प्रेसनार: नोंथाडा इलाइचीखौ खुगानि गाजि मोनामनायखौ बोखारनो थाखायबो बाहायनो हायो। (3) इलाइचीआ एन्टिअक्सिडेन्ट आरो एन्टिबायटिक गुनफोरजों बुंफननाय। बेयो बिखानि बेरामफोरनि थाखाय जोबोद मुलाम्फा गोनां।

आमेरिकायाव श्रेया घशालनि मुडै मोनसे जर'खा सान फालिनाय जायो

मुंदांखा हिन्दी सावथुननि देंखोगिरि श्रेया घशालआ जिस्म सावथुननि 'जादु है नशा है' मेथाइआव गवनि गारां होदोंमोन। बे मेथाइया श्रेयानि गारांजों आबुडै गोरोबो श्रेयाआ गवनि गारांजों बेबायदि दोहौ सोमजिहोयो, जायखौ खोनासंगिरिफोरा जेब्लायबो गोसोआव थायो। श्रेया घशालआ आथिखालाव गवनि 40 थि जोनोम सान फालिदों। मिबथिहोनाय जायोदि, श्रेया घशालआ 16 बोसोर बैसोआव बलिउड सावथुन मुलुगआव आगान होजेन्दोंमोन। बिथांजोनि गिबि



सावथुनआ 'देब दास' सावथुनमोन, जाय सावथुनखौ बिथांजोनी सन्जय लीला भान्सालीआ गवनि जासिदोंमोन। गुबैयै बै समाव श्रेया घशालआ मुलुगनि बयनिखुइबो देरसिन सारेगामाफा

रियेलिटी स्व'जों सोराडाव फेदोंमोन। दिथागिरि सन्जय लिला भान्सालिनि बिमाया बे रियेलिटी स्व'आवनो श्रेयानि गारांखौ खोनायै बिथांजोनि अन्साइगिरि जादोंमोन। जायनि उनाव सन्जयनि बिमाया श्रेयाखौ

मोनसे सावथुनआव खाबु होनो थाखाय सन्जयखौ खावलायदोंमोन। गवनि बिमानि खावलायनायाव सन्जयआ श्रेयाखौ देब दास सावथुनाव रोजाबनो खाबु होदोंमोन। श्रेयाआ बे सावथुनआव मोनबा देंखोफोरखौ रोजाबो आरो बेफोर गासैबो मेथाइफोरा सुपारहित फोरमान जायो। बिथांजोआ बे सावथुननि थाखाय गवनि गिबि हायुंआरि बान्थाबो देरहानो हादोंमोन। मिबथिहोनाय जायोदि, आमेरिकानि मोनसे राइज्योआव देंखोगिरि श्रेया घशालनि मुडै मोनसे सान फालिनाय जायो। बोसोरफोमबो 25 जुन खालारखौ श्रेया दिवस मुडै बे सानखौ आमेरिकानि अहिय'आव फालिनाय जायो। गुबैयै जेन्ना श्रेया घशालआ 2010 माइथायनि गोलोम बोधोरनि समाव आमेरिका दावबायनो थादोंमोन, अब्ला अहिय'नि गर्भर टेड स्ट्रिकलेन्डआ बे सानखौ श्रेया घशालनि सान महरै फालिनाय जागोन होन्ना फोसावदों। बै समनिफ्रायनो श्रेया घशाल सानखौ बोसोरफोमबो 25 जुनआव अहिय'आव फालिनाय जायो। बेनि अनगायैबो लन्डननि मैडम तुसाद मिउजियामआव बिथांजोनि मोनसे मुसुखाबो बानायनाय जादों।

मिरा चप्राणि आखाइनि मेहेन्दीआ सुबुंफोरनि गोसो बोनो हादों



प्रियंका चप्राणि बिनानाव मिरा चप्राआ 12 मार्चखालि जयपुरआव रक्षित के जरीवालजों जुलि जानो थांगासिनो। मिरा चप्रा आरो रक्षित केजरिवालनि जुलियाव बिसोरनि खाथिनि सोमोन्दो थानाय लोगोफोर आरो नख'रनि सोद्रोमाफोर बाहागो लागोन। मिरा आरो रक्षितनि जुलिनि सिगांनि हाबाफारिनि सावगारि आरो भिडिअफोरा ससेल मिडियाआव भाइरेल जागासिनो दड। मिरा आरो रक्षितनि जुलिनि सिगां 11 मार्चनि मोनाबिलियाव हाल्दी हाबाफारि जादों। बे समावनो जानो गोनां हिन्जाव गोदान मिरा चप्राणि

मेहेन्दीनि सावगारिखौ नुनो मोन्दों। बिथांजोनि मेहेन्दी सावगारिफोरा ससेल मिडियाआव नुजाथिदों। फावखुंग्रिनि मेहेन्दीआ बिथांजोनि हाल्दी हाबाफारिनिफ्राय बांसिन सुबुंफोरनि गोसोखौ बोनो हादों। फावखुंग्रिया रक्षित केजरिवालनि मुनि मेहेन्दीखौ गवनि आखायाव फुन्दों। शिव आरो पार्थीनि मन्त्रफोरखौबो मिरा चप्राणि मेहेन्दीआव लिरनाय नुनो मोन्दों। मेहेन्दी फोर्बोंनि उनाव रोजाबगिरि राजा हासन सागरआ गवनि देंखोजों दोहौ खोखैदों। जुलिनि थावनिखौ फुल आरो सोरांजों समायनायै साजायनाय

जादों। जुलिनि कार्डआव होनाय फोरमायथि बायदिब्ला, मेहेन्दी फोर्बोंआ 11 मार्चआव जागोन। बे फोर्बोंनि उनाव एखे समावनो आलासिफोरनि थाखाय मोनसे देंखो आरो ककटेल पार्टि खुनाय जागोन। हाल्दी फोर्बोंआ 12 मार्चआव जागोन आरो बेनि उनाव बेलासिआव जुलि जागोन। मिबथिहोनाय जायोदि, प्रियंका चप्रा आरो परिणीति चप्रायाबो राजस्तानआव जुलि जादोंमोन। बे समाव मिराआवो राजस्तानआवनो जुलि जानो थांगासिनो।

'ए बतन मेरे बतन' सावथुननिफ्राय इमरान हाशमीनि गिबि नुथायखौ नुनो मोन्दों

इमरान हाशमीआ स्व'टाइम सावथुनि उनाव आथिखालाव 'ए बतन मेरे बतन' सावथुनाव राम मनोहर लोहियानि फाव खालामनो थांगासिनो। बे सावथुननिफ्राय इमरान हाशमीनि गिबि नुथायआ सोराडाव फेदों। 'ए बतन मेरे बतन' सावथुनि मोनसे गोदान पस्टाराव बानायगिरिफोरा हादत अनफावरि सावथुननिफ्राय इमरान हाशमीनि गिबि नुथायखौ शेयार खालामदों। बेनि सिगाडाव सारा आलि खाननि बे सावथुनि टीजर आरो



पस्टरआ सोराडाव फेदोंमोन। बे सावथुननि ट्रेलारआ 4 मार्चआव रिलिज जादोंमोन। बे सावथुननि ट्रेलारआ रिलिज जानायनि उननिफ्रायनो सावरायजागासिनो दड। आथिखालाव बेनि गेजेराव 'ए

हाशमीनि बे गोदान नुथायआ फिन खेबसेबाव सावरायजागासिनो दड। बे गिबि नुथायआव इमरानखौ गोसोम चश्मा, खादी जेकेट आरो नेहरु टपि गान्नाय नुनो मोन्दों। पस्टरआव इमरान हाशमीखौ भारतआव ब्रिटिश खुंथाइनि बेरेखायै नानाय दिन्निनाय जादों। बेनि अनगायैबो इमरानआ गवनि इन्स्टाग्राम स्ट'रिफोराव राम मनोहर लहियानि मोनसे सावगारि शेयार खालामदों। सारा आलि खानखौबो बे सावथुनाव उसा मेहेतानि फावआव नुनो मोनगोन।

प्रियंका चप्राणि गोजाम सावगारिफोरा भाइरेल जादों

बिथांनि रादाइ खानाय समनि। बे सावगारिफोरव प्रियंका चप्रा आरो निक जनासखौ गोथौयै मोजों मोनलायनाय नुनो मोन्दों। फावखुंग्रि प्रियंका चप्रा आरो निक जनासआ बे बोसोरव गावसोरनि जुलिनि 6 बोसोर आबुं खालामगोन। बिसोर सानैनि गोबां सावगारिफोरा बावैसो ससेल मिडियाआव गोसारदों।



प्रियंका चप्राणि बिमा डक्टर मधु चप्रा आरो फंबाय सिद्धार्थ चप्राखौबो 2018 माइथायाव सेबखानाय सावगारिफोरव नुनो मोनाय जादों। बे सावगारिफोर

प्रियंका चप्रा आरो निक जनासनि रादाइ खानाय हाबाफारिनि। बे फालिथाइआव प्रियंका चप्राआ गोथां आरो गुफुर सेबखानाय सुट गान्दोंमोन। निक जनासआ

गलापी आरो सना गवनि कुर्द आरो गुफुर फायजामा गान्दोंमोन। मोनसे सावगारिआव सानैबो फुजानि समाव गावजों-गाव जिरायनानै मिनिगासिनो थानायखौ नुनो मोन्दों। नैथि सावगारिआव निक जनासखौ ड्राम दामनाय नुनो मोन्दों। बेनि अनगायैबो बे सावगारिफोराव बिसोरनि खुरमा-बाहागिफोरखौबो नुनो मोनाय जादों। गासैबो सावगारिफोरा जोबोद समायना। गोबां

साभरकार सावथुनआ भिनायक दामदर साभरकारनि जिउ जारिमिननि सायाव बिथा खालामनाय सावथुन। बिथाड सासे बिप्रायारि, समाज फोसाबगिरि आरो राजखात्थिगिरिमोन, जायनि बिफावखौ सावथुनआव रणदीप हड्डुआ खालामगोन। बे सावथुनआ 22 मार्च 2024 खालि हिन्दी आरो माराठी मोननै रवआव सिनेमा हलफोरव रिलीज जागोन।

सा-सान्जा भारतनि माखासे राइज्योफोराव सिएएआ गोहोम गोनां जानाय नडा: रिपोर्ट

गोदान दिल्ली, 12 मार्च: नोगोरारि सोदनाय आयेन (सिएए) खौ समबारनिफ्राय गोहोम गोनां खालामफिन्नाय जाबाय। बे आयेननि गेजेरजों पाकिस्तान, बांलादेश आरो आफगानिस्ताननि रिफुजिपोरनो भारतनि नोगोरारि मोन्थाय होनाय जागोन। अदेबानि बे आयेनखौ सा-सान्जा भारतनि राइज्योफोरनि आदिबासि ओन्सोलफोरव गोहोम गोनां खालामनाय नडा। खौरनि बायदिब्ला, नोगोरारि (सोदनाय) बिथोनमा, 2019 खौ सा-सान्जा राइज्योफोरनि बांसिन जनजाति एवा ट्राइबेलफोर थानाय ओन्सोलाव गोहोम गोनां खालामनाय नडा, जेराव संबिजिरनि 6 सिडुलनि गेजेरजों जर'खा मोन्थाय मोन्नो हानाय ओन्सोलफोराबो दंफायो। आयेन बायदिबै सिएएखौ बै गसिबो सा-सान्जा राइज्योफोराव गोहोम गोनां खालामनाय नडा, जेराव हादरनि गुबुन बाहागोफोरनि सुबुंफोर दावबायनायनि थाखाय इनार लाइन पार्मित (आइएलपि) नि गोनांथि जायो। मख'जाथावदि, आइएलपिआ सा-सान्जा भारतनि अरुणाचल प्रदेश,



नागालेण्ड, मिजoram आरो मणिपुरआव गोहोम गोनां। बिबानगिरिफोरा समबारखालि ट्राइबेल आयेननि नेम-खात्थिखौ गथायनानै बुंदोंदि, जाय ट्राइबेल ओन्सोलफोराव संबिजिरनि 6 सिडुलनि गेजेरजों गावारि खुंथाय एवा अट'नमास काउन्सिल दानाय जादोंमोन बैफोर ओन्सोलखौबो सिएएनि बंखननिफ्राय बायजोआव दोनाय जादों। बेफोर अट'नमास काउन्सिलफोर आसाम, मेघालल आरो त्रिपुरयाव दड।

डनाल्ड ट्रम्पआ हादरगिरि जायोब्ला गोबां सेक्टराव खामानि मावगोन

वाशिंगटन, 12 मार्च: अमेरिकानि बाराग' हादरगिरि डनाल्ड ट्रम्पआ आगु-बिसायख'थियाव गावनि दोलोनिक्राय हादरगिरि बिसायख'थिनि थाखाय बयनिखुइबो गोखोंसिन बिजाथि जानो हादोंमोन। बिथाड सोलिबाय थानाय हादरगिरि आरो डेम'क्रेटिक पार्टीनि बिजाथि ज' बाइडेननि हँथायै गसंगोन। बिसायख'थिनि सिगां डनाल्ड ट्रम्पआ मोनसे गिदर फोसावदों। बिथाड फोसावदोंदि, जुदि बिथाड हादरगिरि बिसायख'थियाव देरहायो अब्ला बिथाड मोनै गिदर खामानि मावगोन। बिथाड बुंदोंदि, जुदि आं हादरगिरिब्ला गिबिसिन खामानिफोरनि गेजेराव सासे जागोन, जायखौ जों खालामगोन आमेरिकानि



सिमाफोरखौ सील खालामगोन। लोगोसे 6 जानुवारि 2021 माइथायाव जानाय केपिटल हिलनि हिंसायाव लोब्बा थानाय सुबुंफोरखौ जोबथेसालिनिफ्राय दिहुनाय जागोन। ट्रम्पआ सिमाफोरखौ सील खालामगोन बाश्चा बुंगासिनो दं। हादरगिरि महेरि बिथानि गिबिसिनफ्रायनो आयेन बेरेखा हाबफैग्राफोरा ट्रम्पनि एजेन्डायाव गोजोंआव दड।

आरो बिथानि मदतगिरिफोरा बिथानो बिसायख'थियाव रिगिं खालामनायनि दाय होनो हमो। बे समाव केपिटल हिलआव हिंसा नि थाखाय सा 1100 नि बांसिन दायनिगिरिफोरनि सायाव केस होनाय जादोंमोन। बैयाव हायुं उतरखारनि मोनसे गसरबो थिसन्नाय जादोंमोन। बे खेबाव आरोबाव ट्रम्प आरो ज'बाइडेना हादरगिरि मासिन थाखाय मोगा-मोगि जादों। ट्रम्पआ 2020 माइथायनि बिसायख'थियाव जेन्दोंमोनब्लाबो, बे खेबाव थासायि सोलायगसिनो थानायखौ नुनो मोनो। जाहोना बेनोदि आमेरिकायव जायगायारि जेनाफोर आरो मुलुगनि थासायिगुबुन। □

गोथार रमजान दानआ दिनैनिफ्राय जागायबाय

गोदान दिल्ली, 12 मार्च: इस्लामनि बयनिखुइबो गोथारसिन दान रमजानआ दिनें 12 मार्चनिफ्राय जागायबाय। रमजान दानआ अखाफोरखौ नुनायनि उनावसो जागायजेनो आरो गोसै दानसेनि थाखाय बे गोथार दानखौ इस्लाम धोरामारिफोर धोरामनि खात्थि बादिदै फालियो। इस्लामयारि फानजामुथिनि बायदिब्ला, बेखौ इस्लाम धोरामनि 9 थि दान मानिनाय जायो। मुस्लिम हरिनि सुबुंफोरा गोसै रमजानखौ उपवास लाखियो आरो फोथायनाय जायोदि, गसैबो आर'जफोरखौ नेमबादिदै उपवास लाखिनानै गनायनाय जायो। इस्लामिक केलेन्डरनि बायदिब्ला, रमजान दाना बे खेबआव 12 मार्चनिफ्राय 10



एप्रिलसिम जागोन। इस्लाम धोरामनि बादिब्ला, रमजानखौ गोसै दानसेनि थाखाय उपवास खालामनाय जायो, जेब्लासिम रमजानआ थायो। रमजानआव माखासे नेम फालिनाय जायो। बेफोर जाबाय-

1. उपवास थानाय समाव साखोन-सिखोनखौ जोथोन लानांगौ, रमजाननि समाव उपवास थानाय सुबुड जेबो जानो नाड।

2. साहारीनि समाव फुडव उपवास थानाय सुबुंफोराल' जानो हायो, बे समाव खेजुर, दही, गोरोन फिथाइफोर बायदि फुष्टि गोनां बेसादफोरखौ जानांगौ।

3. उपवासनि ओंथिया बे नडदि, नोंथाड उखैनांगोन नाथाय बे सानाव देहा आरो गोसोनिफ्राय गोथार जानायबो गोनां आरो बे समाव उपवास थानाय सुबुड मोजां जिनिसफोरखौ बोजबना

लानांगो लोगोसे जेबो गात्रि मोन्दांथिफोरखौ गोसोआव लाखिनो नाड।

4. उपवास थानाय सुबुड गोसै रमजान दाननि थाखाय कुरान फरायनांगौ आरो खनबा नमाज फरायनांगौ।

5. जायफोरा उखैहाबना थायो बिसोरो नंखाय बाश्चा बुनायनिफ्राय गोजानाव थानांगौ, नडब्ला उपवास थानाय मुलाम्फा गोनां होना मानिनाय जायो।

6. उपवास थानाय सुबुड गोरिव आरो गोनां सुबुंफोरखौ मदद खालामनांगौ, बिसोरनो जानो थाखाय माबा मोनसे होनांगौ, बेजों लोगोसे जायफोरा उखैहाबना थायो बिसोरनो साहारीनि समाव जाग्रा मुवा होनांगौ। □

नेपालनि गाहाइ मन्थिआ थामथि खेब फोथाय जानाय भट मोन्नायनि लामायाव



काठमान्डु, 12 मार्च: नेपालनि गाहाइ मन्थि पुष्प कमल दहाल पुचान्डआ बुधवारआव फोथायजानाय भट मोन्नो थाखाय थियारि। प्रचान्डआ रबिआव बे फोथायजानाय लाइजामखौ संसदनि सेक्रेटारियेटनो दैथायहरगोन। 2022 नि डिसेम्बरआव बिबान सामलायनायनि उननिफ्रायनो बुधवारआव 69 बोसोर बैसोनि प्रचान्डआ थामथि खेब

फोथायजानाय भट मोन्नो हागोन। बावैसो सिगां पुचान्डआ नेपाली कांग्रेसजों सोमोन्दोखौ नागरानै गाहाइ मन्थि केपि शर्मा अलीनि दैदेन्नाय सिपिएन-इउएमएलजों जुथाय हान्जा दादोंमोन। नेपालनि संबिजिदआरि खात्थिफोरनि बायदिदै गोजाम हेफाजाबोरिफोरनि हेफाजाबखौ मोनफिन्नायनि उनाव गाहाइ मन्थि आ फोथायजानाय

भटखौबो मोन्नो हानांगोन। बेखौ मोन्नो थाखाय गोदान सरकारआ 275 सोद्रोमाफोरनि थान्दै जथुम्मायाव खमैबो 138 भटनि गोनांथि दड। अदेबानि प्रचान्डनि दैदेन्नाय जुथाय सरकारहा संसदनि गाहाइ सदनआव 150 सोद्रोमाफोरनि हेफाजाब मोन्नाइ दड। बेनि थाखाय सिपिएन (माअबादि सेन्टर)आ 13 मार्चआव गाहाइ सदननि गावनि सोद्रोमाफोरखौ नुजाथिनो थाखाय विहफोसावदों। नेपालनि गाहाइ मन्थि पुष्प कमल दहाल प्रचान्डनि फंबाय नारायण दहालआ समाबारव नेसनेल एसेमब्लिआव बुंथिगिरि मासिन थाखाय गावनि बिजाथिलाइखौ गथायो। बिथाड बेरेखा दोलो नेपालनि कांग्रेसनि युधराज शर्माजों बादायगोन। □

गोदान दिल्ली, 12 मार्च: भारतआव दावबायारि गारिनि हलसेलआ फेब्रुवारीयाव बोसोरारि 11 जौखोन्दो बांदों। मंगलबारव बे फोरमायथिखौ होनानै दारिमिन आफाद सियामआ बुंदोंदि, स्पर्टस इडटिलिटि भेहिकल (सिडडिभ) आ हाथायाव थाबाय थायो। अट'कम्पानीफोरा थानाय दानाव फालांगिरिफोरनो गोसै 3,70,786 दावबायारि गारिफोर दैथाय हरदों, जाय बोसोरसे सिगांनि बे समावनो 3,34,790 इडनितमोन। सियामनि डाइरेक्टर जेनेरेल राजेश मेनन'आ मोनसे बिबुंथियाव बुंदोंदि, दावबायारि गारिफोरा बे बोसोरनि फेब्रुवारीयाव बयनिखुइ बांसिन फान्नायखौ थिसन्दों। बे अनजिमाया फेब्रुवारी 2023 माइथायनि रुजुनायाव 10.8



जौखोन्दो बांनानै 3.7 लाख इडनित जाहेंदों। फेब्रुवारी 2024 माइथायाव गोसै साखा-खबनेनि फान्नाया 35 जौखोन्दो बांनानै 15,20,761 इडनित जाहेंदों, जाय थानाय बोसोरनि बे दानावनो 11,29,661 इडनितमोन। बे बायदिदो फेब्रुवारीयाव साखा-खबथाम

हलसेल 54,584 इडनितमोन, जाय थानाय बोसोरनि बे दानावनो 50,382 इडनितमोन। ससाइटी अफ इन्डियन अट'मबाइल मेनुफेक्सारस (सियाम)नि आफादगिरि बिन'द आगरवालाया मोनसे बिबुंथियाव बुंदोंमोनिदि, सिगां बोसोरनि रुजुनायाव फेब्रुवारी

2024 माइथायाव दावबायारि गारि, साखा-खबने आरो साखा-खबथाम गारिफोरनि फान्नाया एसे बांदों, बबेखानि फालांगियारि गारिफोरनि फान्नाया एसे गाहायाव फैंदों। सियामनि आफादगिरि बिनद आगरवालआ बुंदोंदि, रांखात्थियारि बोसोर 2023-24

माइथायनि थामथि दानथामाव हादरनि गोसै गोखों जिडिपि बांनया अट' सेक्टरखौ हेफाजाब होदों। मारुति सुजुकीआ थानाय दानाव भारतारि दावबायारि गारिनि हाथाइयाव गावनि गोहोमखौ लाखिदों। कम्पानीया गोसै 131,191 इडनितफोर फानदों। बेयो बोसोरारि 9 जौखोन्दो बांदों। बबेखानि जौगाखांनयनि उनावबो गिबि खेबनि थाखाय ब्रान्डनि हाथाइनि बाहागोआ 40 जौखोन्दोनि गाहायाव फैंदों। हुण्डाइआ 46,464 इडनितफोरजों नैथि थाखोआव फैंदों। टाटा मटर्सआ 44,784 इडनितफोरजों थामथि आरो महिन्द्रया 38,071 इडनितफोरजों ब्रेथि मासियाव दं। □

सिएए आयेनखौ मावफुंनयनि उनाव नेभि मुम्बाइआव सा 8 बांग्लादेशीफोरखौ हमदों

गोदान दिल्ली, 12 मार्च: नेभि मुम्बाइ पुलिसआ भारतआव आयेन बेरेखायै थानायनि थाखाय सा 8 बांग्लादेशी नोगोरारिफोरखौ खादों। सासे मावख'गिरिया मंगलबारव बे फोरमायथिखौ होदों। मोनसे स्रोद सुलुंनि बिथायाव नेभि मुम्बाइ पुलिसनि एन्टि-हिडमेन्ट ट्रेफिकिं इडनितआ समबारनि फुडव बेलापुर ओन्सोलनि शाहबाज गामियाव मोनसे फ्लेटआव सिप्रोमदोंमोन। एनआरआइ सागररी पुलिस थानानि

मावख'गिरिया बुंदोंदि, नागिरनाय समाव बिसोरो फ्लेटआव बांग्लादेशनि साबा आइजोफोर आरो साथाम हौवाफोर मोन्दों। बिसोर गोसैनिबो बैसोआ 20 निफ्राय 40 बोसोरनि गेजेरनि। बिथाड बुंदोंदि, बिसोर बांग्लादेशी नोगोरारिफोरा थानाय 4 बोसोरनिफ्राय जेबो नंगुबै फोरमानलाइ गैयाजासे आयेन बेरेखायै थागासिनो दंमोन। पुलिसआ बुंदोंदि सा 8 खौ खानाय जादों आरो पासपर्ट एक्ट आरो फरेनार एक्टनि आयेननि



सिडव केस होनाय जादों। सिएएखौ डिसेम्बर 2019 माइथायाव बारहोनाय जादोंमोन आरो उनाव हादरगिरिनि गनायथि मोन्दोंमोन। बबेखानि, बेनि बेरेखायै हादरनि गोबां ओन्सोलफोराव हँथा दिन्थिपुंनय

जागायदोंमोन। बेनि उनाव बे आयेनखौ मावफुंनो हानाय जायाखैमोन। आथिखालाव सिएए आयेनखौ बाहायनायजों लोगोसे सेन्सिटिभ ओन्सोलफोराव पुलिसनि रैखाथिखौ बांहोनाय जादों। □

गोदान दिल्ली, 12 मार्च: इन्डियन इडनियन मुस्लिम लीग (आइडिएएमएल) आ नोगोरारि सोदांनय आइन (सिएए) नि सिडव मिरु नख'रे बिफानजों फोसाव जानाय नेमफोरखौ मावफुंनयखौ दोन्थ'नो थाखाय गोजौसिन बिजिरसालियाव मोनसे आर'जलाइ गथायदों। आर'जलाइयाव मुस्लिम लीगआ बुंदोंदि, नोगोरारि सोदांनय नेमफोरा गोसो बायदिदै आरो खालि धोरामारि सिनायथिनि बिथायाव सुबुंफोरनि मोनसे थाखोखौ नाड-फाड मुलाम्फा होयो, जाय संबिजितनि दफा 14 आरो 15 खौ सिफायनाय जायो। आर'जलाइयाव बुंनय जादोंदि, सिएएनि राहाफोरखौ जुजिनय



250 आर'जलाइफोरा गोजौसिन बिजिरसालियाव थाबथानानै दं आरो जुदि सिएएखौ संबिजितयारि नडै मानिनाय जायो अब्ला मोनसे गोमोथाव थासायि सोमजिगोन। बेयो बुडेदि, बे बिथिडव जायफोरा बाहायजानाय आयेन आरो नेमफोरनि सिडव नोगोरारि मोन्दों बिसोरनि नोगोरारिखौ लानांगोन। बेनिखानो, सिएए आरो बाहायनाय नेमफोरखौ मावफुंनयखौ दोन्थ'नाया साफ्रोम

सुबुंनि साबसिन मोजानि थाखाय जेब्लासिम बिजिरसालिया केसखौ थिरांथा लाया। सिएएआ 31 डिसेम्बर 2014 माइथायनि सिगां भारतआव फेनाय मुस्लिम नडि हाबफैग्राफोर थामहिनबा पाकिस्तान, बांग्लादेश आरो आफगानिस्ताननिफ्राय फेनाय हिन्दु, शिख, जैन, बौद्ध, पारसी आरो खृष्टनफोरनो भारतयारि हायुखरि होनायनि लामाखौ रोखा खालामो। बे आयेनआ फिन थाफिन्नायनि थाखाय आयेनारि

हँथाफोरखौ बोखारगोन आरो नोगोरारि होनानै जि बोसोरनिफ्राय भुगिनांनय रिफिउजिफोरनि थाखाय मोनसे मान गोनां जिउ खुंनयखौ रोखा खालामगोन। बे आयेनआ बैसोर सुबुंफोरनि थाखाय जायफोरा गोबां बोसोर अनगारि सहायनांवाय आरो जायहा भारतनि अनगा बुहुमाव गुबुन जायगा गैया। सिएएनि सिडव भारतयारि नोगोरारि नागिरग्राफोरा आर'ज गाबनायनि अक्टनि सिगां खमैबो 12 दानसिम हादरआव थानांगोन। नेमफोरा बुडेदि, बे 12 दाननि सिगांनि 8 बोसोरनि गेजेराव आर'ज गाबगिरिफोरा हादरआव खमैबो 6 बोसोर थादोंमोन अब्लासो बिसोरखौ भारतनि नोगोरारि मोन्नो थाखाय आरजाथाव मानिनाय जागोन। □

मणिपुर हिंसा नि सायाव सुप्रिम कर्टआ राइज्यो सरकार आरो एजेन्सिनिफ्राय रिपर्ट बिदों

गोदान दिल्ली, 12 मार्च: सुप्रिम कर्टआ समबारखालि मणिपुर सरकार, सिबिआइ आरो एनआइएनो बिथोन होदोंदि, बेसोरो हरियारि हिंसा नि केसआव थिसन्नाय चासिट आरो नायबिरिनायनि थासायिनि सायाव रिपर्ट गथायनांगौ। बेजों कर्टआ केसनि हियारिआ आसामावको खालामजागोन ना मणिपुराव खालामजाथाव बेखौ थि खालामनो हानाय जागोन। बेनि गेजेराव सुप्रिम कर्टआ रोखा खालामदोंदि, बेयो हिंसायारि जाथायफोर, हाथियार लानानै बेरेखा दिन्थिफुंनय, राजा लामाफोराव होबथानाय आरो



गागलोबनायखौ नोजेर होना मणिपुराव आयेन आरो बेबस्थाखौ लाखिलानायनि थाखाय राइज्यो सरकार आरो आयेन दाग्रा एजेन्सिफोरनो बिथोन फोसावनो हाया। गाहाइ बिजिरगिरि डिवाइ चन्द्रसुर, बिजिरगिरि जेबि पादिवाला आरो बिजिरगिरि मनज मिश्रानि बेन्सआ बुंदोंदि, बेयो औरैबायदि केस जेराव कर्टआ बिथोन होनो हाया। गावसोर आयेन बेबस्थाखौ लाखिलानायनि थाखाय नोगोरारि समाज आफादफोरनो बिथोन होनो हागौ। आयेन बेबस्थाखौ लाखिलानायनि थाखाय राइज्यो सरकार दड। कर्टआ राइज्यो सरकार आरो नायबिजिरा एजेन्सिफोरनि जानानै नुजाथिनय अटर्नि जेनेरेल

आर बेंकटरमानिखौ बुडेदि, राइज्योआव बावैसो सिगां जानाय हिंसा नि जाथाइफोरनि सायाव बिजिरगिरि गिता मिटलनि समिटिआ बावैसो सिगां रिपर्ट होनायनि सायाव नायबिजिरनांगोन। बिजिरगिरि मिटलनि दैदेन्नायाव सुप्रिम कर्टआ थिसन्नाय सा 3 बिजिरगिरिफोरनि पेनेला बावैसो सिगांनि हिंसायारि जाथाय जानायनि उनाव सुप्रिम कर्टखौ बिथोन होजानो लुबैदोंमोन। कर्टनि पेनेलनि जानानै नुजाथिनय उखिलखौ बे आयदायाव गोथैयै नोजेर होनो थाखाय अटर्नि जेनेरेलनो रिपर्टनि मोनसे कपि गथायनोबो बुंदों। □

रमजान जागायनायनि 24 घन्टायाव सा 67 फिलिस्तानीफोरा दावहायाव जिउ गोमादों

राफा, 12 मार्च: गाजायाव रमजान सौफैनायजों दावहाया दोन्थ'जागोन होना आसा खालामनायनि गेजेरावनो थानाय 24 घन्टायाव इज्राइलनि गाग्लोबनायाव खमैबो सा 67 ससुबुंफोरनि जिउ गोमायो। बेजों लोगोसेनो फिलिस्तानिआव सोलिबाय थानाय दानवहायाव थैनाय फिलिस्तानीफोरनि अनजिमाया बारायनानै सा 31,112 निबो बांसिन जाहैयो। बे खौरांखौ गाजानि सावसि मावख'आ फोसावदों। मख'जाथावदि, दावहाया दोन्थ'जागोन आसाजों गाजायाव फिलिस्तानिफोर समबारनिफ्राय रमजाननि रजा फालिनायखौ जागयो। मख'जाथावदि, फिलिस्तानिआव इज्राइलनि गोखों गाग्लोबनायनि जाहोनाव सुबुंथिनि खैफोदआ बांसिन जाबेदों। आमेरिका, कातार आरो मिश्रआ रमजाननि सिगां दावहाया दोन्थ'जागोन होना आसा खालामदोंमोन। बेनि गेजेरजों हामासनि बेंखनाव लांजानाय इज्राइलनि सुबुंफोर आरो फिलिस्तानि केदिफोरखौ सोलाय-सोल'खालामनो हानायजों लोगोसे गाजायाव सुबुंथिनि मदत सौहैहोना हागोन होना आसा खालामदोंमोन।



नाथाय दावहा दोन्थ'नायनि रदायखौ लानानै सावरायनाया थानाय सप्ताहायावनो दोन्थ' जायो। गाजानि सावसि मावख'आ फोरमायदोंदि, थानाय 24 घन्टायाव इज्राइलनि गाग्लोबनायजों जिउ गोमानाय सा 67 सुबुंफोरनि गोथै सह'खौ फाहामसालियाव लाबोनाय जादों। नाथाय मावख'आ दावहायाव बेसेबां नोगोरारिफोरनि आरो बेसेबां सान्थिफोरनि जिउ गोमादों बेखौ रोखा खालामाखै। थैनायनिफोरनि गेजेराव 3 बाहागोन 2 आनो उन्दैफोर आरो आइजोफोर होनानै फोरमायदों। □

नाथाय दावहा दोन्थ'नायनि रदायखौ लानानै सावरायनाया थानाय सप्ताहायावनो दोन्थ' जायो। गाजानि सावसि मावख'आ फोरमायदोंदि, थानाय 24 घन्टायाव इज्राइलनि गाग्लोबनायजों जिउ गोमानाय सा 67 सुबुंफोरनि गोथै सह'खौ फाहामसालियाव लाबोनाय जादों। नाथाय मावख'आ दावहायाव बेसेबां नोगोरारिफोरनि आरो बेसेबां सान्थिफोरनि जिउ गोमादों बेखौ रोखा खालामाखै। थैनायनिफोरनि गेजेराव 3 बाहागोन 2 आनो उन्दैफोर आरो आइजोफोर होनानै फोरमायदों। □

